



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՀԱՇՎԵՔՆՆԻՉ ՊԱԼԱՏ

ԸՆԹԱՑԻԿ ԵԶՐԱԿԱՑՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ
ԿՈՄԻՏԵՈՒՄ 2021 ԹՎԱԿԱՆԻ ՊԵՏԱԿԱՆ ԲՅՈՒՋԵԻ ՄՈՒՏՔԵՐԻ
ՁԵՎԱՎՈՐՄԱՆ ԵՎ ԵԼՔԵՐԻ ԻՐԱԿԱՆԱՑՄԱՆ
ԿԱՆՈՆԱԿԱՐԳՎԱԾ ԳՈՐԾՈՒՆԵՈՒԹՅԱՆ ՆԿԱՏՄԱՄԲ
ՀԱՇՎԵՔՆՆՈՒԹՅԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

Բովանդակություն

1. ՆԵՐԱԾԱԿԱՆ ՄԱՍ	3
2. ՀԱՊԱՎՈՒՄՆԵՐԻ ՑԱՆԿ	4
3. ԱՄՓՈՓԱԳԻՐ	5
4. 2021 ԹՎԱԿԱՆԻ ԸՆԹԱՑՔՈՒՄ ՊԵԿ ԿՈՂՄԻՑ ԻՐԱԿԱՆԱՑՎՈՂ ՀՀ ՊԵՏԱԿԱՆ ԲՅՈՒՋԵԻ ԵԼՔԱՅԻՆ ԾՐԱԳՐԵՐԻ ԵՎ ՄԻՋՈՑԱՌՈՒՄՆԵՐԻ ԳԾՈՎ ԾԱԽՍԵՐԻ ՎԵՐԱԲԵՐՅԱԼ	6
5. ԱՐՁԱՆԱԳՐՎԱԾ ԱՆՀԱՄԱՊԱՏԱՍԽԱՆՈՒԹՅՈՒՆՆԵՐ ԵՎ ԽԵՂԱԹՅՈՒՐՈՒՄՆԵՐ	11
5.1. Անընդմեջ հերթապահության ռեժիմով աշխատող (օրական 24 ժամ աշխատաժամանակի տևողությամբ) ՊԵԿ աշխատողների կողմից կատարվող գիշերային աշխատանքների և հավելումների վերաբերյալ.	11
5.2. ՊԵԿ-ԲՄԾՁԲ-20/4 գնման ընթացակարգի վերաբերյալ	14
5.3. ՊԵԿ-ԲՄԽԾՁԲ-21/3 գնման ընթացակարգի վերաբերյալ	25
5.4. ՊԵԿ-ԲՄԱՇՁԲ-2021/1 գնման ընթացակարգի վերաբերյալ	30
5.5. ՀՀ կառավարության 2021թ. նոյեմբերի 25-ի թիվ 1923-Ն որոշմամբ 2021թ. պետական բյուջեում կատարված վերաբաշխումների վերաբերյալ	41
5.6. ՀՀ ՊԵԿ-ԷԱԾ-ԱՊՁԲ-21/25-1 գնման ընթացակարգի վերաբերյալ	46
5.7. ՀՀ ՊԵԿ-ԳՀԾՁԲ-20/42 գնման ընթացակարգի վերաբերյալ	59
6. ՀԱՇՎԵՔՆՆՈՒԹՅԱՄԲ ԱՐՁԱՆԱԳՐՎԱԾ ԱՅԼ ՓԱՍՏԵՐ	64
6.1. Փորձաքննությունների ծառայություններ միջոցառման վերաբերյալ	64
6.2. Հարկային և մաքսային ծառայողների վերապատրաստում միջոցառման վերաբերյալ	66
7. ԱՌԱՋԱՐԿՈՒԹՅՈՒՆՆԵՐ	68

1. ՆԵՐԱԾԱԿԱՆ ՄԱՍ

Հաշվեքննության հիմքը

ՀՀ հաշվեքննիչ պալատի 2022 թվականի փետրվարի 4-ի թիվ 39-Ա որոշում:

Հաշվեքննության օբյեկտը

ՀՀ պետական եկամուտների կոմիտե:

Հաշվեքննության առարկան

2021 թվականի պետական բյուջեի մուտքերի ձևավորման և ելքերի իրականացման կանոնակարգված գործունեություն:

Հաշվեքննության առարկայի չափանիշները

«ՀՀ բյուջետային համակարգի մասին» ՀՀ օրենք, «ՀՀ 2021 թվականի պետական բյուջեի մասին» ՀՀ օրենք, «Գանձապետական համակարգի մասին» ՀՀ օրենք, «Հանրային ծառայության մասին» ՀՀ օրենք, «Հանրային հատվածի կազմակերպությունների հաշվապահական հաշվառման մասին» ՀՀ օրենք, «ՀՀ հարկային օրենսգիրք», «Գնումների մասին» ՀՀ օրենք, «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենք, ՀՀ կառավարության 2020 թվականի դեկտեմբերի 30-ի «ՀՀ 2021 թվականի պետական բյուջեի կատարումն ապահովող միջոցառումների մասին» N 2215 որոշում, ՀՀ կառավարության 2017 թվականի մայիսի 4-ի N 526-Ն որոշումը, ՀՀ կառավարության 2017 թվականի ապրիլի 13-ի N 390-Ն որոշում և այլ իրավական ակտեր:

Հաշվեքննությունն ընդգրկող ժամանակաշրջանը

2021 թվականի հունվարի 1-ից մինչև 2022 թվականի դեկտեմբերի 31-ը ներառյալ:

Հաշվեքննության կատարման ժամկետը

2022 թվականի փետրվարի 14-ից մինչև 2022 թվականի ապրիլի 30-ը ներառյալ:

Հաշվեքննության մեթոդաբանությունը

Հաշվեքննությունն իրականացվել է «Հաշվեքննիչ պալատի մասին» ՀՀ օրենքի, Հաշվեքննիչ պալատի ֆինանսական և համապատասխանության հաշվեքննության մեթոդաբանությունների համաձայն:

Իրականացվել է ֆինանսական և համապատասխանության հաշվեքննություն, որի ընթացքում կիրառվել են զննում, հարցում, արտաքին հաստատում, վերլուծական ընթացակարգ և վերահաշվարկ ընթացակարգերը:

**Հաշվեքննությունն
իրականացրած
կառուցվածքային
ստորաբաժանում**

Հաշվեքննությունն իրականացվել է ՀՀ հաշվեքննիչ պալատի
ութերորդ վարչության կողմից, որի աշխատանքները համակար-
գում է ՀՀ հաշվեքննիչ պալատի անդամ Արմեն Գևորգյանը:

2. ՀԱՊԱՎՈՒՄՆԵՐԻ ՑԱՆԿ

ՊԵԿ	Հայաստանի Հանրապետության պետական եկամուտների կոմիտե
ՕՐԵՆՔ	«Գնումների մասին» ՀՀ օրենք
ԿԱՐԳ	ՀՀ կառավարության 04.05.2017թ. «Գնումների գործընթացի կազմակերպման կարգը հաստատելու և Հայաստանի Հանրապետության կառավարության 2011 թվականի փետրվարի 10-ի N 168-Ն որոշումն ուժը կորցրած ճանաչելու մասին» N 526-Ն որոշմամբ հաստատված գնումների գործընթացի կազմակերպման կարգ

3. ԱՄՓՈՓԱԳԻՐ

ՀՀ պետական եկամուտների կոմիտեում (այսուհետ՝ ՊԵԿ), հաշվեքննությունն իրականացվել է ՀՀ Հաշվեքննիչ պալատի 2022թ. փետրվարի 4-ի թիվ 39-Ա որոշման հիմքով:

Հաշվեքննության առաջադրանքով նախատեսվել է իրականացնել Կոմիտեի 2021 թվականի պետական բյուջեի մուտքերի ձևավորման և ելքերի իրականացման կանոնակարգված գործունեության ֆինանսական և համապատասխանության հաշվեքննություն: Հաշվեքննությունն իրականացվել է առաջադրանքով սահմանված՝ 2022 թվականի փետրվարի 14-ից մինչև 2022 թվականի ապրիլի 30-ն ընկած ժամանակահատվածում: Հաշվեքննության ընթացքում կիրառվել են զննում, հարցում, վերլուծական ընթացակարգ և վերահաշվարկ ընթացակարգերը:

Հաշվեքննությունն իրականացվել է ՀՀ հաշվեքննիչ պալատի 8-րդ վարչության կողմից:

Հաշվեքննության արձանագրությունը հաշվեքննության օբյեկտին է ներկայացվել 2022 թվականի ապրիլի 12-ին, հաշվեքննության օբյեկտի կողմից 27.04.2022թ.-ին (օրենքով սահմանված 10-օրյա ժամկետից ուշացումով) ներկայացվել են առարկություններ և բացատրություններ:

4. 2021 ԹՎԱԿԱՆԻ ԸՆԹԱՑՔՈՒՄ ՊԵԿ ԿՈՂՄԻՑ ԻՐԱԿԱՆԱՑՎՈՂ ՀՀ ՊԵՏԱԿԱՆ ԲՅՈՒՋԵԻ ԵԼՔԱՅԻՆ ԾՐԱԳՐԵՐԻ ԵՎ ՄԻՋՈՑԱՌՈՒՄՆԵՐԻ ԳԾՈՎ ԾԱԽՍԵՐԻ ՎԵՐԱԲԵՐՅԱԼ

ՀՀ 2021 թվականի պետական բյուջեից ՊԵԿ կողմից կատարվող ծախսերի տարեկան պլանը սահմանվել է 102,513,119.7 հազ. դրամ, տարեկան ճշտված պլանը՝ 162,215,596.6 հազ. դրամ, ֆինանսավորումը՝ 161,384,174.6 հազ. դրամ, դրամարկղային ծախսը՝ 161,211,666.8 հազ. դրամ, իսկ փաստացի ծախսը՝ 160,459,659.9 հազ.դրամ:

ՀՀ ՊԵԿ 2021թ. բյուջեի ծախսերի կատարողականը ըստ միջոցառումների

հետևյալն է.

հազ.դրամ

Ծրագիր Միջոցառում Հոդված		Հաշվետու ժամանակահատվածի ճշտված պլան	Ֆինանսավորում	Փաստ	Փաստացի ծախս	Կատարման %-ը ճշտված պլանի նկատմամբ	Պլանի մնացորդ
Ը Ն Դ Ա Մ Ե Ն Ը		162,215,596.60	161,384,174.55	161,211,666.80	160,459,659.94	99.4%	831,422.05
1023 Հարկային և մաքսային ծառայություններ		28,710,416.89	27,887,759.74	27,853,419.75	27,095,334.15	97.0%	822,657.15
11001	Հարկային և մաքսային ծառայություններ	20,294,997.30	19,969,073.86	19,934,950.80	19,970,834.04	98.2%	325,923.44
	Աշխատանքի վարձատրություն	16,324,536.10	16,324,536.10	16,309,385.14	16,302,284.95	99.9%	0.00
	Ապրանքների, ծառայությունների ձեռքբերում և այլ ծախսեր	3,970,461.20	3,644,537.76	3,625,565.66	3,668,549.09	91.3%	325,923.44
11002	Ակցիզային դրոշմանիշերի ձեռքբերում	2,429,280.00	2,429,280.00	2,429,280.00	1,304,527.27	100.0%	0.00
11003	Հարկային և մաքսային ծառայողների վերապատրաստում	127,480.10	127,480.10	127,480.10	126,738.00	100.0%	0.00
11004	Դրոշմապիտակների ձեռքբերում	2,835,000.00	2,835,000.00	2,835,000.00	4,535,401.42	100.0%	0.00
11005	Փորձաքննությունների ծառայություններ	10,847.30	10,364.85	10,364.85	10,364.85	95.6%	482.45
11006	ՀՀ պետական կառավարման մարմինների կողմից դիմումներ, հայցադիմումներ, դատարանի վճիռների և որոշումների դեմ վերաքննիչ և վճռաբեկ բողոքներ ներկայացնելիս՝ «Պետական տուրքի մասին» ՀՀ օրենքով սահմանված վճարումներ	110,101.10	110,101.07	110,101.07	110,101.07	100.0%	0.03
11007	Արտասահմանյան պաշտոնական գործուղումներ	16,336.63	16,336.63	16,119.72	16,119.72	98.7%	0.00
11009	Զարգացման ֆրանսիական գործակալության կողմից ՀՀ ՊԵԿ-ին հատկացվող կարճաժամկետ տեխնիկական աջակցություն	1,510.20	0.00	0.00	0.00	0.0%	1,510.20
11011	Արտասահմանյան պատվիրակությունների ընդունելություններ	1,488.56	1,488.56	1,488.56	1,488.56	100.0%	0.00
31001	ՀՀ պետական եկամուտների կոմիտեի տեխնիկական հագեցվածության բարելավում	2,585,118.70	2,273,552.84	2,273,552.82	904,677.39	87.9%	311,565.86

	- Վարչական սարքավորումներ	1,520,312.70	1,486,863.08	1,486,863.08	176,703.08	97.8%	33,449.62
	- Այլ մեքենաներ և սարքավորումներ	729,806.00	699,119.64	699,119.62	640,404.19	95.8%	30,686.36
	- Ոչ նյութական հիմնական միջոցներ	335,000.00	87,570.12	87,570.12	87,570.12	26.1%	247,429.88
31003	ՀՀ պետական եկամուտների կոմիտեի շենքային ապահովվածության բարելավում	40,863.90	38,868.06	38,868.06	38,868.06	95.1%	1,995.84
	- Շենքերի և շինությունների շինարարություն	31,188.90	29,548.06	29,548.06	29,548.06	94.7%	1,640.84
	- Նախագծահետազոտական ծախսեր	9,675.00	9,320.00	9,320.00	9,320.00	96.3%	355.00
31004	ՀՀ պետական եկամուտների կոմիտեի շենքային պայմանների բարելավում	199,691.70	56,409.86	56,409.86	56,409.86	28.2%	143,281.84
	- Շենքերի և շինությունների կապիտալ վերանորոգում	185,976.90	43,139.86	43,139.86	43,139.86	23.2%	142,837.04
	- Նախագծահետազոտական ծախսեր	13,714.80	13,270.00	13,270.00	13,270.00	96.8%	444.80
31005	ՀՀ պետական եկամուտների կոմիտեի շենքային պայմաններով ապահովում	21,457.20	19,803.91	19,803.91	19,803.91	92.3%	1,653.29
	- Շենքերի և շինությունների ձեռք բերում	6,028.00	6,028.00	6,028.00	6,028.00	100.0%	0.00
	- Հող	15,429.20	13,775.91	13,775.91	13,775.91	89.3%	1,653.29
31006	"Վերակառուցման և զարգացման եվրոպական բանկի աջակցությամբ իրականացվող «Մեղրիի սահմանային ացակետի ծրագիր» դրամաշնորհային ծրագրի շրջանակներում ՀՀ պետական եկամուտների կոմիտեի նոր շենքային պայմանների ապահովում"	0	0	0	0		0.00
31007	"Վերակառուցման և զարգացման եվրոպական բանկի աջակցությամբ իրականացվող «Մեղրիի սահմանային ացակետի ծրագիր» վարկային ծրագրի շրջանակներում ՀՀ պետական եկամուտների կոմիտեի նոր շենքային պայմանների ապահովում"	0	0	0	0		0.00
32001	Հաշվետվությունների ներկայացման համար բջջային տարբերակ	36,244.20	0.00	0.00	0.00	0.0%	36,244.20
1015-12001	Պետական հիմնարկների և կազմակերպությունների աշխատողների սոցիալական փաթեթով ապահովում	200,016.00	194,466.00	192,650.49	192,650.49	96.3%	5,550.00
1102-12005	Կուտակային հատկացումներ մասնակցի կենսաթոշակային հաշվին	101,666,877.3	101,663,662.4	101,662,726.96	101,662,726.96	100.0%	3,214.90

1205-12009	Հայաստանի Հանրապետության պաշտպանության ժամանակ զինծառայողների կյանքին կամ առողջությանը պատճառված վնասների հատուցում	27,913,586.41	27,913,586.41	27,913,586.41	27,913,586.41	100.0%	0.00
1224-11009	Կորոնավիրուսի (COVID-19) տնտեսական հետևանքների չեզոքացման 23-րդ միջոցառման շրջանակներում իրականացվող աջակցության տրամադրում	3,724,700.00	3,724,700.00	3,589,283.19	3,589,283.19	96.4%	0.00
8984-11001	ՀՀ կառավարության պահուստային ֆոնդ	0	0	0	6,078.74		0.00

ՊԵԿ կողմից իրականացված միջոցառումները հիմնականում ճշտված պլանի նկատմամբ ունեցել են 90 տոկոսից ավելի կատարողական, իսկ թերակատարված միջոցառումները պայմանավորված են ստորև բերված հանգամանքներով.

- Հաշվետվությունների ներկայացման համար բջջային տարբերակ և Զարգացման ֆրանսիական գործակալության կողմից ՀՀ ՊԵԿ-ին հատկացվող կարճաժամկետ տեխնիկական աջակցություն միջոցառումներով 2021 թվականին ծախսեր չեն իրականացվել: Նշված միջոցառումների շրջանակներում Զարգացման ֆրանսիական գործակալության աջակցությամբ նախատեսվել է մշակել հաշվետվությունների ներկայացման թվով երկու բջջային հավելվածներ և իրականացնել ՊԵԿ աշխատակիցների ուսուցում և հաշվետվությունների ներկայացման բջջային հավելվածների մշակման միջոցառման ծրագրի աուդիտ: Հաշվի առնելով, որ նշված միջոցառումների շրջանակներում նախատեսված միջոցների հիմնական մասը տրամադրվում է Զարգացման ֆրանսիական Գործակալության կողմից (առաջացող հարկային պարտավորությունները ՀՀ պետական բյուջեի հաշվին) և, որ ծրագրի տեխնիկական առաջադրանքի վերաբերյալ Գործակալության դրական եզրակացությունը տրվել է 2021 թվականի սեպտեմբերի 24-ին, որի արդյունքում գնման գործընթացը կազմակերպվել և մրցույթի արդյունքում կնքված պայմանագիրը Գործակալության կողմից հաստատվել է ուշացումով, նշված միջոցառումներով 2021 թվականին ծախսեր չեն իրականացվել,

- ՀՀ պետական եկամուտների կոմիտեի տեխնիկական հագեցվածության բարելավում միջոցառումով 2021 թվականի տարեկան ճշտված պլանը կազմել է 2,585,118.7 հազ.դրամ, ֆինանսավորումը և դրամարկղի ծախսը կազմել են 2,273,552.8 հազ.դրամ: Հաշվետու ժամանակահատվածի ճշտված պլանի և դրամարկղի ծախսի տարբերությունը կազմել է 311,565.9 հազ.դրամ: Շեղումը հիմնականում պայմանավորված է 56 միավոր համակարգչային սարքավորումների, 1262 միավոր գրասենյակային գույքի և 59 միավոր այլ սարքավորումների պլանավորված քանակներից պակաս ձեռք բերման հանգամանքով, ինչը իր հերթի պայմանավորվել է պահեստավորված միջոցների առկայությամբ, ինչպես նաև հայտարարված թվով երկու էլեկտրոնային հաշվառման համակարգերի ներդրման գնման գործընթացի հայտերի բացումը 2022 թվականին կայանալու հանգամանքով,

- ՀՀ պետական եկամուտների կոմիտեի շենքային պայմանների բարելավում միջոցառման հաշվետու ժամանակաշրջանի ճշտված պլանը կազմել է 199,691.7 հազ.դրամ, ֆինանսավորումը, դրամարկղի և փաստացի ծախսերը՝ 56,409.9 հազ. դրամ, շեղումը կազմել է 143,281.8 հազ.դրամ, որը ըստ ՊԵԿ-ի պայմանավորվել է այն հանգամանքով, որ միջոցառման շրջանակներում իրականացվող շինարարական աշխատանքները հիմնականում վերաբերում են շենքերի արտաքին հատվածներին և եղանակային պայմաններից ելնելով դրանք ամբողջությամբ չեն իրականացվել:

5. ԱՐՁԱՆԱԳՐՎԱԾ ԱՆՀԱՄԱՊԱՏԱՍԽԱՆՈՒԹՅՈՒՆՆԵՐ ԵՎ ԽԵՂԱԹՅՈՒՐՈՒՄՆԵՐ

5.1. Անընդմեջ հերթապահության ռեժիմով աշխատող (օրական 24 ժամ աշխատաժամանակի տևողությամբ) ՊԵԿ աշխատողների կողմից կատարվող գիշերային աշխատանքների և հավելումների վերաբերյալ.

ՊԵԿ-ի 510 աշխատողներ 2021 թվականին աշխատել են անընդմեջ հերթապահության ռեժիմով (24 ժամ աշխատաժամանակի տևողությամբ), սակայն վերջիններիս համար չեն հաշվարկվել և չեն վճարվել օրենքով սահմանված գիշերային աշխատանքի համար հավելումներ:

Համաձայն ՀՀ կառավարության 2005 թվականի օգոստոսի 11-ի «Առանձին կատեգորիայի աշխատողների՝ օրական 24 ժամ աշխատաժամանակի տևողությամբ պայմանավորված աշխատանքների ցանկը սահմանելու մասին» թիվ 1223-Ն որոշմամբ սահմանված հավելվածի՝ ՊԵԿ աշխատակազմի նախաբացթողումային հսկողության վարչության բաժինների, բաժանմունքների և հերթափոխերի ծառայողների, մաքսային կետերի բաժանմունքի պետերի, գլխավոր մաքսային տեսուչների, ավագ մաքսային տեսուչների, մաքսային տեսուչների և անցագրային կետերի հերթապահների աշխատանքը կարող է կատարվել անընդմեջ հերթապահության ռեժիմով՝ օրական 24 ժամ աշխատաժամանակի տևողությամբ:

Համաձայն «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենքի 8-րդ հոդվածի 2-րդ մասի՝ արտաժամյա, գիշերային ժամերին, հանգստյան, տոնական օրերին աշխատելու համար պետական պաշտոն և պետական ծառայության պաշտոն զբաղեցնող անձանց տրվում է հավելում Հայաստանի Հանրապետության աշխատանքային օրենսգրքով սահմանված նվազագույն չափերով, բացառությամբ սույն հոդվածի 3-րդ և 3.1-ին մասերով նախատեսված դեպքերի:

Համաձայն ՀՀ աշխատանքային օրենսգրքի 184-րդ հոդվածի 1-ին մասի՝ գիշերային աշխատանքի յուրաքանչյուր ժամի համար վճարվում է հավելում՝ ժամային դրույքաչափի 30 տոկոսից ոչ պակաս չափով:

Առկա է անհամապատասխանություն «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենքի 8-րդ հոդվածի 2-րդ մասի և ՀՀ աշխատանքային օրենսգրքի 184-րդ հոդվածի 1-ին մասի պահանջների կատարման հետ, ինչն իր հերթին հանգեցրել է ՊԵԿ-ի «Հիմնարկի կատարած բյուջետային ծախսերի մասին» և «Հիմնարկի դեբիտորական, կրեդիտորական պարտքերի եվ պահեստավորված միջոցների մասին» հաշվետվություններում «Հարկային և մաքսային ծառայություններ» միջոցառման «Աշխատողների աշխատավարձեր և հավելավճարներ» հոդվածով ծախսերի

խելաթյուրմանը՝ ծախսերը և կրեդիտորական պարտավորությունները պակաս են ներկայացվել շուրջ 68 մլն դրամով:

ՊԵԿ-ից ստացված տվյալների հիման վրա կատարված հաշվարկներով 2021 թվականին անընդմեջ հերթապահության ռեժիմով աշխատողների գիշերային աշխատանքի համար հավելումների գումարը կազմել է շուրջ 68 մլն դրամ, այդ թվում՝

Արևմտյան ՄՏ-վարչություն	17 մլն դրամ
Հարավային մաքսատուն-վարչություն	10 մլն դրամ
Արևելյան մաքսատուն-վարչություն	31 մլն դրամ
Հյուսիսային ՄՏ-վարչություն	10 մլն դրամ:

Հաշվեքննության օբյեկտի արձագանքը

Կոմիտեի հերթապահության ռեժիմով աշխատողների գիշերային ժամերին կատարված աշխատանքի վարձատրության համար ՀՀ պետական բյուջեով միջոցներ չեն նախատեսվել և նշված աշխատակիցներին նման հավելումներ չեն վճարվել:

Բացի այդ տեղեկացնում ենք, որ Կոմիտեն շրջանառության մեջ է դրել օրենսդրական փոփոխության նախագիծ (ներկայումս նախագիծը գտնվում է ՀՀ արդարադատության նախարարության հետ քննարկման փուլում)՝ համաձայն, որի Կոմիտեի հարկային և մաքսային ծառայության պաշտոններ զբաղեցնող համապատասխան աշխատակիցներին արտաժամյա, գիշերային ժամերին, հանգստյան, տոնական օրերին աշխատելու համար հավելավճարներ չեն տրվի:

Միաժամանակ հայտնում ենք, որ Հաշվեքննողի կողմից 2021 թվականին անընդմեջ հերթապահության ռեժիմով աշխատողների գիշերային աշխատանքի համար հաշվարկված շուրջ 68.0 մլն դրամ գումարը չի համապատասխանում ըստ կառուցվածքային ստորաբաժանումների ներկայացված գումարներին (Արևմտյան ՄՏ-վարչություն 16 մլն դրամ, Հարավային մաքսատուն-վարչություն 8 մլն դրամ, Արևելյան մաքսատուն-վարչություն 31 մլն դրամ, Հյուսիսային ՄՏ-վարչություն 10 մլն դրամ): Բացի այդ, հաշվեքննության արձանագրության մեջ բացակայում է գիշերային աշխատանքի համար հաշվարկված շուրջ 68.0 մլն դրամի վերաբերյալ հաշվարկ-հիմնավորումները:

Հաշվեքննողների մեկնաբանությունը

- Հաշվեքննության օբյեկտի կողմից ներկայացված՝ «Հերթապահության ռեժիմով աշխատողների գիշերային ժամերին կատարված աշխատանքի վարձատրության համար ՀՀ պետական բյուջեով միջոցներ չեն նախատեսվել» մեկնաբանությունը չի համապատասխանում իրականությանը, քանի որ ՊԵԿ-ի կողմից 2021 թվական պետական բյուջեի նախագծում նշված ծախսերը չեն ներկայացվել: Միաժամանակ՝ ՊԵԿ-ը 2021 թվականին «աշխատողների աշխատավարձեր և հավելավճարներ» հոդվածով ունեցել է բավարար միջոցներ գիշերային հավելումները վճարելու համար: Այդ միջոցներից 400 մլն դրամը 2021 թվականին բյուջեում վերբաշխում կատարելով ուղղել է «պարգևատրումներ, դրամական խրախուսումներ և հատուկ վճարներ» հոդվածին, մինչդեռ դրա առավելագույնը 20 տոկոսը բավարար էր օրենսդրությամբ սահմանված՝ գիշերային ժամերին աշխատանք կատարելու համար նախատեսված հավելումները վճարելու համար:
- Գիշերային աշխատանքի համար հաշվարկված 68.0 մլն դրամ գումարի և ըստ կառուցվածքային ստորաբաժանումների ներկայացված գումարներին մասով ՊԵԿ կողմից ներկայացված առարկությունը հաշվի է առնվել (ճշտվել է) սույն եզրակացությունում:

Առաջարկություն հաշվեքննության օբյեկտին

Նշված ահամապատասխանությունը ՀՀ հաշվեքննիչ պալատի կողմից արձանագրվել էր դեռևս ՊԵԿ-ի 2019 թվականի ֆինանսատնտեսական գործունեության հաշվեքննության արդյունքում և հաշվեքննության ընթացիկ եզրակացությամբ առաջարկվել էր կատարել վերահաշվարկ չհաշվարկված և չվճարված աշխատավարձի հավելումների մասով՝ պահպանելով ՀՀ գործող օրենսդրության պահանջները և ապահովել անընդմեջ հերթապահության ռեժիմով աշխատող աշխատակիցներին օրենքով գիշերային աշխատանքի համար հասանելիք հավելումների տրամադրումը: Հետևաբար՝ կրկին վերահաստատում ենք օրենսդրության պահանջների պահպանման և համապատասխան վերահաշվարկներ կատարելու մեր առաջարկությունը:

5.2. ՊԵԿ-ԲՄԾՁԲ-20/4 գնման ընթացակարգի վերաբերյալ

Դիտարկում.

ՊԵԿ-ում ներդրված էլեկտրոնային համակարգերի և համալրող միջոցների («Հարկատու 3» համակարգի և նրա ենթահամակարգերի) սպասարկման ծառայությունների ձեռք բերման նպատակով ՊԵԿ-ը 2020 թվականի նոյեմբերի 12-ին էլեկտրոնային գնումների հարթակի «Armeps» համակարգում հրապարակել է բաց մրցույթի հայտարարություն, ծառայության նախահաշվային գինը կազմել է 390.0 մլն դրամ: Գնումը կազմակերպվել է Օրենքի 15-րդ հոդվածի 6-րդ կ հիմքով:

Մրցույթի հայտերի բացման նիստը տեղի է ունեցել 2020թ. դեկտեմբերի 24-ին, հայտ ներակացվել է միայն մեկ կազմակերպության՝ «Թիմ Սոլյուշնս» ՓԲԸ-ի կողմից՝ 380.0 մլն դրամ գնային առաջարկով: Գնահատող հանձնաժողովը 2020թ. դեկտեմբերի 29-ին միակ մասնակցին հրավիրել է գների նվազեցման նպատակով կայանալիք բանակցություններին, որին վերջինս չի ներկայացել: 2021 թվականի հունվարի 12-ին «Թիմ Սոլյուշնս» ՓԲԸ-ի հետ կնքվել է թիվ ՊԵԿ-ԲՄԾՁԲ-20/4 պայմանագիրը, պայմանով, որ ծառայության մատուցումը իրականացվում է այդ նպատակով համապատասխան ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման հիման վրա՝ համաձայնագրի ուժի մեջ մտնելու օրվանից հաշված 365 օրացույցային օրվա ընթացում:

Միաժամանակ՝ մրցույթի հրավերի տեխնիկական բնութագրով սահմանվել է դրույթ, որով ծառայության մատուցման վերջնաժամկետը չի կարող ավելի լինել, քան տվյալ տարվա դեկտեմբերի 25-ը:

Մասնակիցը 2021 թվականի հունվարի 11-ին ներկայացրել է պայմանագրի և որակավորման ապահովման տուժանքի մասին համաձայնագրեր, համապատասխանաբար՝ 38.3 մլն դրամ և 383.0 մլն դրամ գումարներով:

ՊԵԿ կողմից «Թիմ Սոլյուշնս» ՓԲԸ-ին կնքված պայմանագրում փոփոխություններ կատարելու վերաբերյալ թիվ 1 համաձայնագիրը (ֆինանսական պարտավորությունների կատարման ժամանակացույցը հաստատելու) կնքելու ծանուցումը գնումների PPCM համակարգի միջոցով ուղարկվել է 01.02.2021թ-ին: «Թիմ Սոլյուշնս» ՓԲԸ-ի կողմից որակավորման և պայմանագրի ապահովման տուժանքի մասին համաձայնագրերը փոխարինվել են «Ամերիաբանկ» ՓԲԸ-ի կողմից 05.02.2021թ-ին տրված բանկային երաշխիքներով, իսկ 2021 թվականի փետրվարի 2-ին կողմերի միջև կնքվել է թիվ 1 համաձայնագիրը, որով հաստատվել է ֆինանսական պարտավորությունների կատարման ժամանակացույցը, ինչպես նաև սահմանվել է դրույթ, որով պայմանագրով նախատեսված պայմանները տարածվում են 2021 թվականի հունվարի 12-ից ծագած փաստացի հարաբերությունների նկատմամբ: Միաժամանակ՝ պայմանագրում

կատարված փոփոխության վերաբերյալ գնումների էլեկտրոնային հարթակում հրապարակված հայտարարության մեջ որպես համաձայնագիրը կնքելու հիմնավորում նշվում է, որ պայմանագրով նախատեսված ծառայությունների մատուցման համար նախատեսվել են ֆինանսական միջոցներ (<< կառավ. 30.12.2020թ. թիվ 2215 որոշում):

2021 թվականի մայիսի 5-ին կողմերի միջև կնքվել է թիվ 2 համաձայնագիրը, որով կատարվել է պայմանագրով նախատեսված ծավալների փոփոխություն, որի արդյունքում պայմանագրի գումարը ավելացել է 21 մլն.դրամով:

01.12.2021-31.12.2021թ.թ. ժամանակահատվածում «Թիմ Սոլյուշնս» ՓԲԸ-ի կողմից մատուցված ծառայությունների համար ներկայացվել են հետևյալ հարկային հաշիվները՝

Հարկային հաշվի					Ծառայությունների մատուցման ժամանակահատված
Համար	Դուրս գրման ամսաթիվ	Մատակարարման ամսաթիվ	Ծառայությունների անվանումը (բովանդակությունը)	Գումարը ներառյալ ԱԱՀ-ն ՀՀ դրամ	
Ա2687982871	09.02.21	31.01.21	Հարկատու 3 համակարգի և նրա ենթահամակարգերի սպասարկման ծառայություններ	22,934,132	12.01.21-31.01.21
Ա9620332325	01.03.21	28.02.21	Հարկատու 3 համակարգի և նրա ենթահամակարգերի սպասարկման ծառայություններ	31,586,554	01.02.21-28.02.21
Ա6120094860	05.04.21	31.03.21	Հարկատու 3 համակարգի և նրա ենթահամակարգերի սպասարկման ծառայություններ	31,586,554	01.03.21-31.03.21
Ա0753655511	04.05.21	30.04.21	Հարկատու 3 համակարգի և նրա ենթահամակարգերի սպասարկման ծառայություններ	31,586,554	01.04.21-30.04.21
Ա6977081611	02.06.21	31.05.21	Հարկատու 3 համակարգի և նրա ենթահամակարգերի սպասարկման ծառայություններ	33,827,663	01.05.21-31.05.21
Ա8238309078	07.07.21	30.06.21	Հարկատու 3 համակարգի և նրա ենթահամակարգերի սպասարկման ծառայություններ	34,124,103	01.06.21-30.06.21
Ա4579002018	02.08.21	31.07.21	Հարկատու 3 համակարգի և նրա ենթահամակարգերի սպասարկման ծառայություններ	34,124,103	01.07.21-31.07.21
Ա0706668157	07.09.21	31.08.21	Հարկատու 3 համակարգի և նրա ենթահամակարգերի սպասարկման ծառայություններ	34,124,103	01.08.21-31.08.21
Ա1228830915	05.10.21	30.09.21	Հարկատու 3 համակարգի և նրա ենթահամակարգերի սպասարկման ծառայություններ	34,124,103	01.09.21-30.09.21
Ա8770746016	04.11.21	31.10.21	Հարկատու 3 համակարգի և նրա ենթահամակարգերի սպասարկման ծառայություններ	34,124,103	01.10.21-31.10.21
Ա9910679026	03.12..21	30.10.21	Հարկատու 3 համակարգի և նրա ենթահամակարգերի սպասարկման ծառայություններ	34,124,103	01.11.21-30.11.21
Ա7220050951	03.01.22	31.12.21	Հարկատու 3 համակարգի և նրա ենթահամակարգերի սպասարկման ծառայություններ	34,124,103	01.12.22-31.12.21
Ընդամենը				390,390,178	

Արձանագրված անհամապատասխանություններ.

Պայմանագրի կատարման մասով.

Համաձայն հրավերի տեխնիկական բնութագրի, ծառայությունները մատուցվում են պայմանագիրը (համաձայնագիրը) ուժի մեջ մտնելու օրվանից հաշված 365 օրացույցային օրվա ընթացում, որով էլ պայմանավորված ծառայության մեկ օրվա հաշվարկային գինը կազմում է 1,049,315 դրամ:

ՊԵԿ նախագահի տեղակալի ՊԵԿ գլխավոր քարտուղարին ուղղված 29.06.2021թ. թիվ Ն/6-2/99421-2021 գրությամբ վերջինս հայտնում է, որ Թիմ Սոլյուշնս ՓԲԸ-ի և ՊԵԿ միջև կնքված ՊԵԿ-ԲՄԾՁԲ-20/4 պայմանագրի շրջանակներում մատուցված ծառայությունների ընդունումն իրականացվում է ամսական կտրվածքով և ուղղակիորեն փոխկապակցված չէ պայմանագրով սահմանված պահանջներին համապատասխան ստացվելիք վերջնարդյունքի հետ: Այսինքն, մատուցվող ծառայությունը ըստ էության հանդիսանում է ժամանակի վրա հիմնված՝ ծրագրային ապահովումների սպասարկման պայմանագիր:

Հետևաբար 12.01.2021-05.05.2021թ.թ. ժամանակահատվածի համար մատուցված ծառայությունների արժեքները կազմում է 118 572 603 դրամ, որի հաշվարկը հետևյալն է՝

Ծառայությունների մատուցման ժամանակահատված	Օրեր	Մեկ օրվա արժեքը (383,000,000/365)	Գումար
12/01/21 - 31/01/21	20	1,049,315	20,986,301
01/02/21 - 28/02/21	28	1,049,315	29,380,822
01/03/21 - 31/03/21	31	1,049,315	32,528,767
01/04/21 - 30/04/21	30	1,049,315	31,479,452
01/05/21 - 05/05/21	4	1,049,315	4,197,260
Ընդամենը	113		118,572,603

Համաձայն 05.05.2021թ. կնքված թիվ 2 համաձայնագրի, մատուցվող ծառայությունների արժեքը ավելացվել է 21 մլն դրամով և կազմել է 404 մլն դրամ:

05.05.2021-31.12.2021թ.թ. ժամանակահատվածում մատուցված սպասարկման ծառայությունների արժեքը ներառյալ ԱԱՀ-ն կկազմի՝

Ծառայությունների մատուցման ժամանակահատված		Օրեր	Մեկ օրվա արժեքը 404,000,000/365	Գումար
05/05/21	31/05/21	27	1,106,849	29,884,932
01/06/21	30/06/21	30	1,106,849	33,205,479
01/07/21	31/07/21	31	1,106,849	34,312,329
01/08/21	31/08/21	31	1,106,849	34,312,329
01/09/21	30/09/21	30	1,106,849	33,205,479
01/10/21	31/10/21	31	1,106,849	34,312,329
01/11/21	30/11/21	30	1,106,849	33,205,479
01/12/21	31/12/21	31	1,106,849	34,312,329
Ընդամենը		241		266,750,685

Պայմանագրով տրված կարգավորումներով 12.01.2021-31.12.2021թ.թ. ժամանակահատվածում պետք է մատուցվեր ընդամենը 354 օրվա համար 385,323,288 դրամ ընդհանուր արժեքով ծառայություններ: Մինչդեռ կատարողի կողմից ներկայացվել է 5,066,890 դրամով ավելի՝ ընդհանուր 390,390,178 դրամի ծառայությունների մատուցման կատարողական ակտեր, ինչը ՊԵԿ-ի կողմից ամբողջությամբ վճարվել է:

Առկա է անհամապատասխանություն պայմանագրով սահմանված կարգավորումներով հաշվարկված՝ փաստացի մատուցված ծառայությունների և կողմերի միջև հաստատված հաշվարկային փաստաթղթերով արձանագրված ու կատարողին վճարված գումարների միջև, որի արդյունքում խեղաթյուրվել է ՊԵԿ-ի «Հիմնարկի կատարած բյուջետային ծախսերի մասին» և «Հիմնարկի դեբիտորական, կրեդիտորական պարտքերի և պահեստավորված միջոցների մասին» հաշվետվություններում «Հարկային և մաքսային ծառայություններ» միջոցառման «Համակարգչային ծառայություններ» հոդվածով ծախսերի և դեբիտորական պարտքերի գումարները: Ծախսերը ավելի են ներկայացվել 5,066,890 դրամով իսկ դեբիտորական պարտավորությունները՝ նույն գումարի չափով պակաս:

Միաժամանակ՝ մրցույթի հրավերի տեխնիկական բնութագրով սահմանվել է դրույթ, որով ծառայության մատուցման վերջնաժամկետը չի կարող ավելի լինել, քան տվյալ տարվա դեկտեմբերի 25-ը, սակայն նշված պայմանը հանվել է կողմերի միջև կնքված պայմանագրից:

Սույնով առկա է անհամապատասխանություն Օրենքի 25-րդ հոդվածի 1-ին մասի 2-րդ կետի պահանջների, այն է՝ արգելվում է փոփոխել պայմանագրով նախատեսված ապրանքների, աշխատանքների և ծառայությունների բնութագրերը: Արդյունքում «Թիմ Սոլյուշնս» ՓԲԸ-ից ձեռք է բերվել 6 օրվա՝ 6,641,094 դրամի ավելի ծառայություններ:

Հաշվեքննության օբյեկտի արձագանքը

Պայմանագրի կնքման մասով.

Համաձայն «Գնումների մասին» ՀՀ օրենքի 15-րդ հոդվածի հետևյալ մասերով սահմանված է՝

ա) մաս 1 Պետական բյուջեի միջոցների հաշվին իրականացվող գնումների պլանը հաստատվում է բյուջետային ծախսերի գերատեսչական և գործառնական դասակարգմամբ:

բ) մաս 3 Գնումների պլանը, ներառյալ՝ փոփոխությունները, հաստատվելուն հաջորդող երկու աշխատանքային օրվա ընթացքում պատվիրատուն հրապարակում է տեղեկագրում, բացառությամբ պետական գաղտնիք պարունակող գնումների պլանի:

գ) մաս 7 Պատվիրատուն պայմանագրով ֆինանսական պարտավորություններ ստանձնում է այդ գնումն իրականացնելու համար պահանջվող ֆինանսական հատկացումներ նախատեսված լինելու դեպքում և այդ հատկացումների շրջանակներում:

դ) մաս 8. Գնումներ կատարելու համար ֆինանսական միջոցներ նախատեսվում են բյուջետային ծախսերի տնտեսագիտական դասակարգման ապրանքների, աշխատանքների և ծառայությունների ձեռքբերման համար սահմանված համապատասխան հոդվածներով: Արգելվում է ֆինանսական միջոցներ նախատեսել բյուջետային ծախսերի տնտեսագիտական դասակարգման այլ հոդվածներով, եթե այդ միջոցների հաշվին պետք է կատարվեն գնումներ:

Համաձայն ՀՀ կառավարության 04.05.2017թ. 526-Ն որոշման 18-րդ կետի «Գնումների մասին» ՀՀ օրենքի 15-րդ հոդվածի 6-րդ մասի համաձայն գնում կատարվելու դեպքում գնումների պլանում գնման առարկան ներառվում է առանց գնման ընդհանուր գումարի նշման՝ ֆինանսական միջոցներ նախատեսվելուց հետո գնման պլանում համապատասխան լրացում կատարելու պայմանով: Ընդ որում, համապատասխան ֆինանսական միջոցներ նախատեսվելու օրվան հաջորդող երկու աշխատանքային օրվա ընթացքում պատվիրատուն սահմանված կարգով փոփոխություն է կատարում գնումների պլանում, իսկ պայմանագրով նախատեսված ապրանքների մատակարարման, աշխատանքների կատարման կամ ծառայությունների մատուցման նպատակով համաձայնագիր կնքելու ծանուցումը և կնքվելիք համաձայնագրի նախագիծը պայմանագիրը կնքած անձին է ուղարկում գնումների պլանում փոփոխությունը կատարվելու օրվանից տասնհինգ աշխատանքային օրվա ընթացքում:

Ընտրված մասնակցին պայմանագիր կնքելու առաջարկը ներկայացվել է 2020 թվականի դեկտեմբերի 29-ին, իսկ Կոմիտեի 2021 թվականի գնումների պլանը հրապարակվել է 2021 թվականի հունվարի 11-ին, ուստի ընտրված մասնակցին պայմանագիր

կնքելու իրավասությունը առաջանալու պահին դեռ համապատասխան ֆինանսական միջոցներ նախատեսված չեն եղել:

Պայմանագրի կատարման մասով՝

Կոմիտեի և «Թիմ Սոլյուշնս» ՓԲԸ-ի (այսուհետ՝ Կատարող) միջև 2021 թվականի հունվարի 12-ին կնքվել է «Պետության կարիքների համար ՀՀ ՊԵԿ-ում ներդրված էլեկտրոնային համակարգերի և համալրող միջոցների («Հարկատու 3» համակարգի և նրա ենթահամակարգերի) սպասարկման ծառայությունների գնման պայմանագրի» N ՊԵԿ-ԲՄԾՁԲ-20/4 ծածկագրով պետական գնման պայմանագիրը (այսուհետ՝ Պայմանագիր), որի առավելագույն գինը կազմում է 383,000.0 հազար դրամ: Ծառայության մատուցումն իրականացվում է այդ նպատակով կողմերի միջև համապատասխան համաձայնագրի կնքման հիման վրա՝ համաձայնագրի ուժի մեջ մտնելու օրվանից հաշված 365 օրացույցային օրվա ընթացքում:

2021 թվականի փետրվարի 9-ին Պայմանագրում կատարված փոփոխությունների վերաբերյալ կնքվել է թիվ 1 համաձայնագիրը, որտեղ նախատեսվում էր, որ պայմանագրով նախատեսված պայմանները տարածվում են 2021 թվականի հունվարի 12-ից ծագած փաստացի հարաբերությունների նկատմամբ:

2021 թվականի մայիսի 5-ին կողմերի միջև կնքվել է թիվ 2 համաձայնագիրը, որով կատարվել է պայմանագրով նախատեսված ծավալների փոփոխություն և արդյունքում պայմանագրի գինը ավելացել է 21,000.0 հազ. դրամով՝ կազմելով 404,000.0 հազ. դրամ:

Պայմանագրի շրջանակներում «Թիմ Սոլյուշնս» ՓԲԸ-ի կողմից 2021 թվականի հունվարի 12-ից մինչև դեկտեմբերի 31-ը ընկած ժամանակահատվածում ներկայացվել է 390,390.2 հազ. դրամի վճարահաշվարկային փաստաթղթեր, որոնց հիման վրա Կատարողին վճարվել է 390,390.2 հազ. դրամ (մատուցված ծառայությունների դիմաց):

Համաձայն պայմանագրի տեխնիկական բնութագրի ծառայության մատուցումն իրականացվում է համաձայնագրի ուժի մեջ մտնելու օրվանից հաշված 365 օրացույցային օրվա ընթացքում, որով պայմանավորված ծառայության մեկ օրվա հաշվարկային գինը կազմում է՝ $383,000,000 / 365 = 1,049,315$ դրամ, իսկ վերոնշյալ ժամանակահատվածի համար մատուցված ծառայությունների առավելագույն գները կազմում են.

Ծառայությունների մատուցման ժամանակահատված		Ծառայությունների մատուցման օրեր	Մեկ օրվա արժեք (383,000,000/365)	Առավելագույն գին
12/01/2021	31/01/2021	20	1,049,315	20,986,300
01/02/2021	28/02/2021	28	1,049,315	29,380,820
01/03/2021	31/03/2021	31	1,049,315	32,528,765
01/04/2021	30/04/2021	30	1,049,315	31,479,450
01/05/2021	31/05/2021	31	1,049,315	32,528,765
01/06/2021	30/06/2021	30	1,049,315	31,479,450
01/07/2021	31/07/2021	31	1,049,315	32,528,765
01/08/2021	31/08/2021	31	1,049,315	32,528,765
01/09/2021	30/09/2021	30	1,049,315	31,479,450
01/10/2021	31/10/2021	31	1,049,315	32,528,765
01/11/2021	30/11/2021	30	1,049,315	31,479,450
01/12/2021	31/12/2021	31	1,049,315	32,528,765
Ընդամենը		354	12,591,780	371,457,510

Հաշվի առնելով այն, որ 2021 թվականի մայիսի 5-ին կողմերի միջև կնքված թիվ 2 համաձայնագրով տեղի է ունեցել ծառայությունների մատուցման պայմանագրով նախատեսված ծավալների փոփոխություն և պայմանագրի գումարի ավելացում 21,000.0 հազար դրամով (պայմանագրի ընդհանուր գին սահմանելով 404,000.0 հազար դրամ), և այն որ համաձայնագիրը ուժի մեջ է մտել 2021 թվականի մայիսի 5-ից՝ ծառայության մեկ օրվա հաշվարկային գինը սահմանվել է համաձայնագիրն ուժի մեջ մտնելու օրվանից (մայիսի 5) սկսած մինչև պայմանագրով նախատեսված ժամկետի ավարտը (2022 թվականի հունվարի 11-ը ներառյալ)՝ մայիսի 5-ից հաշված 252 օրացույցային օր, որը կազմում է՝ $21,000,000 / (252) = 83.33$ հազար դրամ: Վերոնշյալ ժամանակահատվածի համար մատուցված ծառայությունների առավելագույն գները կազմում են.

ՀՀ դրամ

Ծառայությունների մատուցման ժամանակահատված		Ծառայությունների մատուցման օրեր	Մեկ օրվա արժեք (21,000,000/252)	Առավելագույն գին
05/05/2021	31/05/2021	27	83,333	2,249,991
01/06/2021	30/06/2021	30	83,333	2,499,990
01/07/2021	31/07/2021	31	83,333	2,583,323
01/08/2021	31/08/2021	31	83,333	2,583,323
01/09/2021	30/09/2021	30	83,333	2,499,990

01/10/2021	31/10/2021	31	83,333	2,583,323
01/11/2021	30/11/2021	30	83,333	2,499,990
01/12/2021	31/12/2021	31	83,333	2,583,323
Ընդամենը		241	666,664	20,083,253

Վերոգրյալ երկու աղյուսակների միավորման արդյունքում (2021 թվականի հունվարի 12-ից մինչև մայիսի 4 և մայիսի 5-ից մինչև դեկտեմբերի 31-ն ընկած ժամանակահատված) կստանանք առավելագույն գնի հետևյալ պատկերը.

ՀՀ դրամ

Ծառայությունների մատուցման ժամանակահատված		Ծառայությունների մատուցման օրեր	Մեկ օրվա արժեք	Առավելագույն գին
12/01/2021	31/01/2021	20	1,049,315	20,986,300
01/02/2021	28/02/2021	28	1,049,315	29,380,820
01/03/2021	31/03/2021	31	1,049,315	32,528,765
01/04/2021	30/04/2021	30	1,049,315	31,479,450
01/05/2021	31/05/2021	31	1,132,648	34,778,756
01/06/2021	30/06/2021	30	1,132,648	33,979,440
01/07/2021	31/07/2021	31	1,132,648	35,112,088
01/08/2021	31/08/2021	31	1,132,648	35,112,088
01/09/2021	30/09/2021	30	1,132,648	33,979,440
01/10/2021	31/10/2021	31	1,132,648	35,112,088
01/11/2021	30/11/2021	30	1,132,648	33,979,440
01/12/2021	31/12/2021	31	1,132,648	35,112,088
Ընդամենը		354	13,258,444	391,540,763

Արդյունքում ստացվում է, որ մինչև 2021 թվականի դեկտեմբերի 31-ը ներառյալ Կատարողին կարող էր վճարվել առավելագույնը 391,540,763 դրամ, սակայն հիմք ընդունելով պայմանագրի շրջանակներում ներկայացված վճարահաշվարկային փաստաթղթերը (հարկային հաշիվ և հանձնման ընդունման արձանագրություն) Կատարողին վճարվել է առավելագույն գնից 1,150,585 դրամ պակաս գումար՝ 390,390,178 դրամ:

Ինչ վերաբերում է հաշվեքննության արձանագրության մեջ նշված պնդմանը թե պայմանագրի տեխնիկական բնութագրով ծառայության մատուցման վերջնաժամկետը չի կարող ավելի լինել, քան տվյալ տարվա դեկտեմբերի 25-ն ընկած ժամանակահատվածը, ապա հայտնում ենք, որ պայմանագրի «Տեխնիկական բնութագիր-գնման ժամանակացույցի» ծառայության մատուցման ժամկետի համաձայն՝ ծառայության մատուցումն իրականացվում է այդ նպատակով համապատասխան

Ֆինանսական միջոցների առկայության և կողմերի միջև համապատասխան համաձայնագրի կնքման հիման վրա, և համաձայնագրի ուժի մեջ մտնելու օրվանից հաշված 365 օրացույցային օրվա ընթացքում:

Հաշվեքննողների մեկնաբանությունը

Հաշվեքննության օբյեկտի կողմից պայմանագրի կնքման մասով բերված առակությունը հաշվի է առնվել սույն եզրակացությունում:

Պայմանագրի կատարման մասով.

Հաշվեքննության օբյեկտի կողմից ներկայացված դատողությունները և հաշվարկները փաստում են, որ պայմանագրի շրջանակներում ՊԵԿ-ի կողմից կատարվել են սխալ հաշվարկներ, որի արդյունքում կատարողին վճարվել է 1,150,585 դրամ պակաս գումար, ինչը չի բխում պայմանագրով սահմանված կարգավորումներից: Մասնավորապես այն պնդումը, որ «համաձայնագիրը ուժի մեջ է մտել 2021 թվականի մայիսի 5-ից՝ ծառայության մեկ օրվա հաշվարկային գինը սահմանվել է համաձայնագիրն ուժի մեջ մտնելու օրվանից (մայիսի 5) սկսած մինչև պայմանագրով նախատեսված ժամկետի ավարտը (2022 թվականի հունվարի 11-ը ներառյալ)՝ մայիսի 5-ից հաշված 252 օրացույցային օր, որը կազմում է՝ $21,000,000 / (252) = 83.33$ հազար դրամ», չի համապատասխանում պայմանագրի պայմաններին, քանի որ.

- հրավերով և պայմանագրով նախատեսվել է մատուցել համակարգերի սպասարկման ծառայություններ, որի 365 օրվա նախահաշվային արժեքը (առավելագույն գինը) և պայմանագրի գինը սահմանվել են համապատասխանաբար՝ 390 մլն.դրամ և 383 մլն.դրամ, ինչը չի նշանակում, որ պայմանագրի ժամկետը սահմանվել է 365 օր,
- իսկ պայմանագրի գնի փոփոխություն կատարելով (ծավալներ ավելացնելով) ավելացված ծառայությունների մասով հանձնում-ընդունումներ չեն կատարվել, այլ ծառայությունները շարունակվել են մատուցվել և ընդունվել ըստ ամիսների՝ որպես սպասարկման ծառայություններ և առկա չեն հաստատումներ՝ լրացուցիչ աշխատանքների հանձնման և ընդունման մասին:

Իր դիրքորոշմամբ հաշվեքննության օբյեկտը ընդունում է, որ պայմանագրի շրջանակներում մատուցվող ծառայությունները հիմնված են ժամանակի գործոնի վրա և ուղղակիորեն փոխկապակցված չեն պայմանագրով սահմանված պահանջներին համապատասխան ստացվելիք վերջնարդյունքի հետ, ինչը միանշանակ փաստում է, որ

հաշվեքննության արձանագրությամբ կատարված հաշվարկները ճիշտ են և ծառայություն մատուցողին վճարվել է 5,066,890 դրամ ավելի գումար:

Միաժամանակ՝ հաշվեքննության օբյեկտի կողմից չի առարկվել այն փաստը, որ մրցույթի հրավերի տեխնիկական բնութագրով սահմանվել է ծառայությունների մատուցման ժամկետի սահմանափակում՝ առավելագույնը մինչև 2021թ. դեկտեմբերի 25-ը, որը առանց համապատասխան հիմնավորումների չի ներառվել պայմանագրում: Հետևաբար այս մասով արձանագրված՝ Օրենքի 25-րդ հոդվածի 1-ին մասի 2-րդ կետի պահանջների չկատարման և 6 օրվա՝ 6,641,094 դրամի ավելի ծառայությունների ձեռք բերման վերաբերյալ արձանագրված անհամապատասխանությունները տեղին են:

Առաջարկություն հաշվեքննության օբյեկտին

Պայմանագրով սահմանված պայմաններին համապատասխան կատարել վերահաշվարկ և ԹԻՄ Սոլյուշնս» ՓԲԸ-ից գանձել ավելի վճարված 5,066,890 դրամ գումարը:

5.3. ՊԵԿ-ԲՄԽԾՁԲ-21/3 գնման ընթացակարգի վերաբերյալ

Դիտարկում.

«Էլեկտրոնային հաշվարկային փաստաթղթեր և գրքեր» (E-invoicing) համակարգի «վեբ» տարբերակի ներդրման խորհրդատվական ծառայությունների ձեռք բերման նպատակով ՊԵԿ կողմից 2021 թվականի հուլիսի 6-ին էլեկտրոնային գնումների հարթակի «Armeps» համակարգում հրապարակել է բաց մրցույթի հայտարարություն, ծառայության նախահաշվային գինը կազմել է 100.0 մլն դրամ:

Հայտերի բացման և ուսումնասիրման նիստը տեղի է ունեցել 2021 թվականի օգոստոսի 17-ին, մրցույթին մասնակցել էր մեկ մասնակից՝ «Թիմ Սոլյուշնս» ՓԲԸ-ն 160.0 մլն դրամ գնային առաջարկով:

19.08.2021թ. հայտերի ուսումնասիրության արդյունքների մասին գնահատող հանձնաժողովի նիստում արձանագրվել է, որ «Թիմ Սոլյուշնս» ՓԲԸ-ի կողմից ներկայացված հայտում հրավերով նախատեսված ոչ գնային պայմանները սահմանող չափանիշները հիմնավորող փաստաթղթերում առկա են անհամապատասխանություններ, մասնավորապես՝ չի ապահովվել «մասնակցի հայտը ներկայացնելու տարվա և դրան նախորդող երեք տարվա ընթացքում պատշաճ ձևով նմանատիպ առնվազն մեկ պայմանագիր (մասնակցի գնային առաջարկից 50 տոկոսից ոչ պակաս) իրականացրած լինելու» պայմանը: Գնահատող հանձնաժողովը առաջնորդվելով հրավերի 8.9 կետի դրույթներով որոշել է նիստը կասեցնել մեկ օրով և էլեկտրոնային եղանակով տեղեկացնել մասնակցին առաջարկելով՝ մինչև կասեցման ժամկետի ավարտը շտկել անհամապատասխանությունները:

Մասնակիցը գնահատող հանձնաժողովի կողմից սահմանված ժամկետում չի շտկել «Մասնագիտական փորձառություն» չափանիշի մասով տեղ գտած անհամապատասխանությունները և նշված չափորոշիչով գնահատական չի ստացել: 23.08.2021թ. հայտերի գնահատման նիստում գնահատող հանձնաժողովը որոշել է՝ «Թիմ Սոլյուշնս» ՓԲԸ-ին ճանաչել հրավերի պահանջների նկատմամբ ոչ գնային պայմաններով բավարար գնահատված հայտ ներկայացրած մասնակից և վերջինիս հրավիրել գների նվազեցման բանակցությունների:

26.08.2021թ.-ի գների նվազեցման նպատակով բանակցություններին «Թիմ Սոլյուշնս» ՓԲԸ-ին չի ներկայացել: Գնահատող հանձնաժողովը հաշվի առնելով, որ «Թիմ Սոլյուշնս» ՓԲԸ-ի կողմից հայտով ներկայացված գինը գերազանցում է ՊԵԿ գնումների պլանով հաստատված նախահաշվային գինը և այն հանգամանքը, որ ՊԵԿ-ի կողմից կազմակերպված ՊԵԿ-ԲՄԽԾՁԲ-21/2 ծածկագրով գնման ընթացակարգը չէր կայացել գնի գերազանցման պատճառով, որոշել է Կարգի 40-րդ կետի 6-րդ ենթակետի «գ» պարբերության համաձայն «Թիմ Սոլյուշնս» ՓԲԸ-ին հայտարարել ընտրված

մասնակից՝ պայմանով, որ նրա հետ կնքվող պայմանագրով նախատեսված կողմերի իրավունքներն ու պարտականություններն ուժի մեջ են մտնում գնման հայտով սահմանված գինը գերազանցող չափով լրացուցիչ ֆինանսական միջոցներ նախատեսելու և դրա հիման վրա կողմերի միջև համաձայնագիր կնքելու դեպքում:

30.09.2021թ-ին կողմերի միջև կնքվել է պայմանագրով նախատեսված ծառայությունների մատուցման ֆինանսական պարտավորությունների կատարման թիվ 1 համաձայնագիրը, որը ուժի մեջ է մտել ստորագրման պահից:

Արձանագրված անհամապատասխանություններ.

Համաձայն «Գնումների մասին» ՀՀ օրենքի 34-րդ հոդվածի 1-ին մասի՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Համաձայն Կարգի 40-րդ կետի 6-րդ ենթակետի՝ խորհրդատվական ծառայությունների գնման դեպքում ընտրված մասնակից է ճանաչվում այն մասնակիցը, որին տրված գնահատականն ամենաբարձրն է: **Մասնակիցներին տրված գնահատականների հավասարության դեպքում, կամ եթե գնումն իրականացվում է օրենքի 15-րդ հոդվածի 6-րդ մասի հիման վրա, ապա՝**

գ) բանակցությունների համար սահմանված վերջնաժամկետը լրանալու պահին ամենաբարձր գնահատական ստացած մասնակցի գինը գերազանցում է **գնման հայտով սահմանված գինը**, ապա գնահատող հանձնաժողովը կարող է այդ մասնակցին հայտարարել ընտրված մասնակից՝ պայմանով, որ՝

- միևնույն գնման առարկայի բնութագրերով տվյալ օրացուցային տարում արդեն իսկ կազմակերպվել է առնվազն մեկ գնման մրցակցային ընթացակարգ, որը չկայացած է հայտարարվել մասնակիցների ներկայացրած գները գնման հայտով սահմանված գինը գերազանցելու հիմքով պայմանավորված.

- ընտրված մասնակցի հետ կնքվող պայմանագրով նախատեսված կողմերի իրավունքներն ու պարտականություններն ուժի մեջ են մտնում գնման հայտով սահմանված գինը գերազանցող չափով լրացուցիչ ֆինանսական միջոցներ նախատեսվելու և դրա հիման վրա կողմերի միջև համաձայնագիր կնքվելու դեպքում: Ընդ որում, համաձայնագիրը կնքվում է լրացուցիչ ֆինանսական միջոցները նախատեսվելուն հաջորդող երեք աշխատանքային օրվա ընթացքում՝ ծառայության մատուցման ժամկետները երկարաձգելով պայմանագրի կնքման օրվանից մինչև համաձայնագրի կնքման օրն ընկած ժամանակահատվածով: Սույն պարբերության համաձայն կնքված պայմանագիրը լուծվում է, եթե կնքվելուն հաջորդող երեսուն օրացուցային օրվա ընթացքում լրացուցիչ ֆինանսական միջոցներ չեն նախատեսվում:

Համաձայն հրավերի 8.7 կետի՝ Հանձնաժողովը հրավերի պահանջների նկատմամբ բավարար գնահատված հայտեր ներկայացրած մասնակիցներից որոշում և հայտարարում է ընտրված և հաջորդաբար տեղեր զբաղեցրած մասնակիցներին: Առաջարկված նվազագույն գների հավասարության դեպքում կամ **եթե ոչ գնային պայմաններին բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են սույն ընթացակարգի շրջանակում գնվելիք ծառայությունների գնման հայտով սահմանված գինը** կամ գնումն իրականացվում է Օրենքի 15-րդ հոդվածի 6-րդ մասի հիման վրա՝

զ. բանակցությունների համար սահմանված վերջնաժամկետը լրանալու պահին, եթե դրան **ներկա մասնակիցների** ներկայացրած գները գերազանցում են գնման հայտով սահմանված գինը, ապա գնահատող հանձնաժողովը կարող է **բանակցությունների արդյունքում ցածր գնային առաջարկ ներկայացրած մասնակցին** հայտարարել ընտրված մասնակից՝ պայմանով, որ վերջինիս հետ կնքվող պայմանագրով նախատեսված կողմերի իրավունքներն ու պարտականություններն ուժի մեջ են մտնում գնման հայտով սահմանված գինը գերազանցող չափով լրացուցիչ ֆինանսական միջոցներ նախատեսվելու և դրա հիման վրա կողմերի միջև համաձայնագիր կնքելու դեպքում: Ընդ որում համաձայնագիրը կնքվում է լրացուցիչ ֆինանսական միջոցները նախատեսվելուն հաջորդող տասնհինգ աշխատանքային օրվա ընթացքում՝ ծառայության մատուցման ժամկետները երկարաձգելով պայմանագրի կնքման օրվանից մինչև համաձայնագրի կնքման օրն ընկած ժամանակահատվածով: Սույն պարբերության համաձայն կնքված պայմանագիրը լուծվում է, եթե կնքվելուն հաջորդող վաթսուն օրացուցային օրվա ընթացքում լրացուցիչ ֆինանսական միջոցներ չեն նախատեսվում,

Վերը նշված իրավական կարգավորումներից հետևում է, որ գնահատող հանձնաժողովը գնման հայտով սահմանված գինը գերազանցող չափով լրացուցիչ ֆինանսական միջոցներ նախատեսվելու և դրա հիման վրա կողմերի միջև համաձայնագիր կնքելու պայմանով ցածր գնային առաջարկ ներկայացրած մասնակցին կարող է հայտարարել ընտրված մասնակից, եթե՝

- մասնակիցներին տրված գնահատականները հավասար են և դրանով պայմանավորված կայացել են բանակցություններ, որի արդյունքում ներկայացվել է ավելնացած գնային առաջարկ (Կարգի 40-րդ կետի 6-րդ ենթակետ),

- առկա է **բանակցությունների արդյունքում ցածր գնային առաջարկ ներկայացրած մասնակից** (հրավերի 8.7 կետ):

Մինչդեռ, «Էլեկտրոնային հաշվարկային փաստաթղթեր և գրքեր» (E-invoicing) համակարգի «վեր» տարբերակի ներդրման խորհրդատվական ծառայությունների ձեռք

բերման ՊԵԿ-ԲՄԽԾՁԲ-21/3 գնման ընթացակարգին մասնակցել է միայն մեկ մասնակից՝ գնման առարկայի նախահաշվային գինը 60 տոկոսով գերազանցող գնային առաջարկով, իսկ ընթացակարգի շրջանակներում գների իջեցման նպատակով հրավիրված բանակցություններին **ոչ գնային պայմաններին բավարարող գնահատված հայտ ներկայացրած** մասնակիցը չի ներկայացել՝ գների նվազման բանակցություններ փաստացի տեղի չեն ունեցել: Հետևաբար՝ Կարգի 40-րդ կետի 6-րդ ենթակետի գ) մասի և հրավերի 8.7 կետի գ) մասի հիմքով գնահատող հանձնաժողովը «Թիմ Սոլյուշնս» ՓԲԸ-ին չէր կարող հայտարարել ընտրված մասնակից և վերջինիս հետ կնքել «կողմերի իրավունքներն ու պարտականություններն գնման հայտով սահմանված գինը գերազանցող չափով լրացուցիչ ֆինանսական միջոցներ նախատեսվելու և դրա հիման վրա կողմերի միջև համաձայնագիր կնքելու» պայմանով պայմանագիր, այլ Օրենքի 37-րդ հոդվածի 1-ին մասի 1-ին կետի հիման վրա գնման ընթացակարգն պետք է հայտարարվեր չկայացած:

Սույնով առկա է անհամապատասխանություն Կարգի 40-րդ կետի 6-րդ ենթակետով և հրավերի 8.7 կետով սահմանված պահանջների պահպանման հետ, որի արդյունքում մրցույթով և Կարգով սահմանված պայմանները և պահանջները չբավարարող կազմակերպությունը ճանաչվել է հաղթող մասնակից և վերջինիս հետ կնքվել է 160 մլն դրամի պայմանագիր, այն դեպքում, երբ նախահաշվային արժեքը կազմել է 100 մլն դրամ:

Հաշվեքննության օբյեկտի արձագանքը

ՊԵԿ-ԲՄԽԾՁԲ-21/3 ծածկագրով գնման ընթացակարգի հանձնաժողովը ՊԵԿ-ԲՄԽԾՁԲ-21/3 ծածկագրով գնման հրավերի 8.7 կետի պահանջներին համաձայն գնի նվազեցման նպատակով բանակցություններին մասնակցելու համար գնային առաջարկ ներկայացրած և հրավերի պահանջների նկատմամբ ոչ գնային պայմաններով բավարար գնահատված հայտ ներկայացրած «Թիմ Սոլյուշնս» ՓԲԸ-ին, 23.08.2021թ. գնումների էլեկտրոնային (ARMEPS) համակարգի միջոցով հրավիրել է 26.08.2021թ. ժամը 11-00-ին մասնակցելու բանակցություններին: «Թիմ Սոլյուշնս» ՓԲԸ-ն 26.08.2021թ. ժամը 11-00-ի դրությամբ չի ներկայացել բանակցությունների մասնակցելուն և մասնակցի կողմից հայտով ներկայացված գինը մնացել է անփոփոխ:

Հաշվի առնելով այն հանգամանքը, որ բանակցությունների արդյունքում մասնակցի կողմից գնի նվազեցման վերաբերյալ նոր առաջարկություններ չեն ներկայացվել, ուստի կազմակերպված բանակցությունները համարվել է կայացած: Մասնակցի կողմից հայտով ներկայացրած գինը չի գերազանցել Կոմիտեի կողմից պլանավորված

ընդհանուր գինը, որի արդյունքում գնման ընթացակարգի շրջանակներում վերոնշյալ կազմակերպությունը ճանաչվել է որպես ընտրված մասնակից:

Հաշվեքննողների մեկնաբանությունը

Հաշվեքննության օբյեկտի կողմից ներկայացված առարկությունը ընդունելի չէ: Կարգով հստակ է սահմանվում, որ խորհրդատվական ծառայությունների ձեռք բերման դեպքում ընտրված մասնակից է ճանաչվում այն մասնակիցը, որին տրված գնահատականն ամենաբարձրն է, իսկ մասնակիցներին տրված գնահատականների հավասարության դեպքում, կամ եթե գնումն իրականացվում է օրենքի 15-րդ հոդվածի 6-րդ մասի հիման վրա, վարվում են բանակցություններ: Մինչդեռ նշված երկու պայմանաններն էլ սույն ընթացակարգով տեղի չեն ունեցել:

Իսկ հրավերով սահմանվել է, որ բանակցությունների համար սահմանված վերջնաժամկետը լրանալու պահին, եթե դրան **ներկա մասնակիցների** ներկայացրած գները գերազանցում են գնման հայտով սահմանված գինը, ապա գնահատող հանձնաժողովը կարող է բանակցությունների արդյունքում ցածր գնային առաջարկ ներկայացրած մասնակցին հայտարարել ընտրված մասնակից, մինչդեռ բանակցությանը ներկա մասնակից չի եղել՝ բանակցություններ տեղի չեն ունեցել:

Մաժամանակ՝ հաշվեքննության օբյեկտի կողմից առարկությամբ ներկայացված այն պնդումը, որ «Մասնակցի կողմից հայտով ներկայացրած գինը չի գերազանցել Կոմիտեի կողմից պլանավորված ընդհանուր գինը» չի համապատասխանում իրականությանը:

5.4. ՊԵԿ-ԲՄԱՇՁԲ-2021/1 գնման ընթացակարգի վերաբերյալ

Դիտարկում.

Գոգավան-Պրիվոլնոյե և Մեդրու մաքսային կետ բաժիններում բեռնատար տրանսպորտային միջոցներ զննող RAPISCAN EAGLE GANTRY 6/4.5/ MEV մակնիշի ռենտգենյան զննող սարքավորմանը ինտեգրված, ավտոմեքենաներում պայթուցիկ նյութեր հայտնաբերող՝ VEDS համակարգի ապամոնիտաժման աշխատանքների ձեռք բերման նպատակով ՊԵԿ կողմից 2021 թվականի հոկտեմբերի 18-ի էլեկտրոնային գնումների հարթակի «Armeps» համակարգում հրապարակել է բաց մրցույթի հայտարարություն, աշխատանքների նախահաշվային գինը կազմել է 76.0 մլն դրամ: Գնումը կազմակերպվել է Օրենքի 15-րդ հոդվածի 6-րդ կետի հիմքով:

Հայտերի բացման և ուսումնասիրման նիստը տեղի է ունեցել 2021 թվականի նոյեմբերի 29-ին, մրցույթին մասնակցել է մեկ մասնակից՝ «Արեմպա Ինթերնեյշնլ» ՍՊԸ ՖԶԸ-ն 76.0 մլն դրամ գնային առաջարկով:

Գնահատող հանձնաժողովը 2021թ. դեկտեմբերի 2-ին միակ մասնակցին հրավիրել է գների նվազեցման նպատակով կայանալիք բանակցություններին, որին վերջինս չի ներկայացել: Գնահատող հանձնաժողովը հիմք ընդունելով այն հանգամանքը, որ հայտով ներկայացված փաստաթղթերը համապատասխանում են հրավերի պահանջներին և մասնակցի կողմից առաջարկված գինը հավասար է պլանավորված գնին, վերջինիս հայտարարել է հաղթող մասնակից և **2021 թվականի դեկտեմբերի 13-ին** «Արեմպա Ինթերնեյշնլ» ՍՊԸ ՖԶԸ-ի հետ կնքվել է թիվ ՊԵԿ-ԲՄԱՇՁԲ-2021/1 պայմանագիրը, պայմանով, որ ծառայության մատուցումը իրականացվում է այդ նպատակով համապատասխան ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման հիման վրա՝ համաձայնագրի ուժի մեջ մտնելու օրվանից հաշված առավելագույնը **30 օրվա ընթացքում**:

2021 թվականի դեկտեմբերի 20-ին կողմերի միջև կնքվել է թիվ 1 համաձայնագիրը, որով սահմանվել է ֆինանսական պարտավորությունների կատարման ժամանակացույցը: Համաձայնագիրը ուժի մեջ է մտել **ստորագրման պահից**:

2021 թվականի դեկտեմբերի 22-ին «Արեմպա Ինթերնեյշնլ» ՍՊԸ ՖԶԸ-ն ներկայացրել է պայմանագրի կամ դրա մի մասի կատարման արդյունքների մասին թիվ 1 արձանագրությունը 76.0 մլն դրամ գումարի չափով, որը ՊԵԿ պատասխանատու անձի կողմից էլեկտրոնային եղանակով ստորագրվել է 23.12.2021թ-ին:

Մասնավորապես՝ աշխատանքների կատարման հանձնման-ընդունման արձանագրությամբ ներկայացվել են հետևյալ աշխատանքները՝

1. Առկա Rapiscan Eagle Gantry 6(4,5) Mev մակնիշի ռենտգենյան զննող սարքավորմանը ինտեգրված VEDS համակարգի մետաղական կոնստրուկցիաների ապամոնիտաժում՝ երկու առանձին շահագործվող համակարգ ստանալու նպատակով,
2. Rapiscan Eagle Gantry 6(4,5) Mev մակնիշի ռենտգենյան զննող սարքավորման համակարգի կոնստրուկտիվ փոփոխություններ,
3. Աջակցություն Rapiscan Eagle Gantry 6(4,5) Mev մակնիշի ռենտգենյան զննող սարքավորմանը ինտեգրված VEDS համակարգի մեջ տեղակայված ռադիոակտիվ նյութի տարանջատման հարցում,
4. Rapiscan Eagle Gantry 6(4,5) Mev մակնիշի ռենտգենյան զննող սարքավորմանը ինտեգրված VEDS համակարգի ծրագրավորված տրամաբանական վերահսկիչի (PLC-ի) ապամոնիտաժում, տեղափոխում և տեղադրում սարքավորման վրա նախապես հարմարեցված վայրում,
5. Rapiscan Eagle Gantry 6(4,5) Mev մակնիշի ռենտգենյան զննող սարքավորման ծրագրավորված տրամաբանական վերահսկիչ (PLC-ի) մոդուլի վերածրագրավորում,
6. Ընդհանուր կառավարման ծրագրավորված տրամաբանական վերահսկիչ (PLC-ի) մոդուլի մալուխների անհրաժեշտ փոփոխություն և միացումների ձևափոխում և կարգաբերում,
7. Անհրաժեշտ լրացուցիչ մալուխների անցկացում,
8. Շարժական համակարգի հեռավորության և դիրքի հաշվիչի տեղափոխություն,
9. Rapiscan Eagle Gantry 6(4,5) Mev համակարգի վերածրագրավորում և կարգաբերում,
10. Rapiscan Eagle Gantry 6(4,5) Mev մակնիշի ռենտգենյան զննող սարքավորման արագացուցիչի (Linatron) կարգաբերում՝ զգալի քաշի փոփոխության պատճառով
11. Rapiscan Eagle Gantry 6(4,5) Mev մակնիշի ռենտգենյան զննող սարքավորման համակարգի փորձարկում, կարգաբերում և հանձնում շահագործման:

Համաձայն «Լիցենզավորման մասին» ՀՀ օրենքի՝ ռադիոակտիվ նյութեր պարունակող սարքերի արտադրությունը կամ օգտագործումը կամ վերանորոգումը կամ մոնիտաժումը և կարգաբերումը կամ փոխադրումը կամ պահեստավորումը համարվում է լիցենզավորման ենթակա գործունեություն:

Համաձայն «Խաղաղ նպատակներով ատոմային էներգիայի անվտանգ օգտագործման մասին» ՀՀ օրենքի՝ ռադիոակտիվ նյութը միջուկային նյութից տարբեր նյութ է, որի իոնացնող ճառագայթումը կարող է պատճառել միջուկային վնաս:

ՀՀ միջուկային անվտանգության կոմիտեից ստացված տեղեկությունների համաձայն ՊԵԿ-ը ունի գեներացնող ճառագայթման աղբյուրների օգտագործման համապատասխան լիցենզիա, իսկ «Կոնսէլ» ՍՊԸ-ն՝ գեներացնող ճառագայթման աղբյուրների կարգաբերման լիցենզիա:

Արձանագրված անհամապատասխանություններ.

Սույն գնման գործընթացով ըստ էության նախատեսվել է ապամոնտաժել Գոգավան-Պրիվոլնոյե և Մեղրու մաքսային կետ բաժիններում շահագործվող բեռնատար տրանսպորտային միջոցներ զննող ռենտգենյան սարքավորումներին ինտեգրված (սարքավորման շարժական թևին միակցված) և այլևս չշահագործվող՝ ավտոմեքենաներում պայթուցիկ նյութեր հայտնաբերող VEDS համակարգը, որի արդյունքում կթեթևանար սարքավորման շարժական թևի քաշը և կկարգավորվեր շարժական մեխանիզմի աշխատանքը:

Պայմանագրի տեխնիկական բնութագրի 1-ին և 2-րդ կետերով նախատեսվել է ապամոնտաժել ռենտգենյան զննող սարքավորմանը ինտեգրված VEDS համակարգը (իր մետաղական կոնստրուկցիաներով)՝ երկու առանձին շահագործվող համակարգ ստանալու նպատակով և կատաել ռենտգենյան զննող սարքավորման համակարգի կոնստրուկտիվ փոփոխություններ:

Պայմանագրի տեխնիկական բնութագրի 3-րդ կետով նախատեսվել է աջակցություն ռենտգենյան զննող սարքավորմանը ինտեգրված VEDS համակարգի մեջ տեղակայված ռադիոակտիվ նյութի տարանջատման հարցում,

Պայմանագրի տեխնիկական բնութագրի 4-րդ կետով նախատեսվել է իրականացնել ռենտգենյան զննող սարքավորմանը ինտեգրված VEDS համակարգի ծրագրավորված տրամաբանական վերահսկիչի (PLC-ի) ապամոնտաժում, տեղափոխում և տեղադրում սարքավորման վրա նախապես հարմարեցված վայրում:

Իսկ պայմանագրի տեխնիկական բնութագրի 6-րդ և 7-րդ կետերով նախատեսվել են ընդհանուր կառավարման ծրագրավորված տրամաբանական վերահսկիչ (PLC-ի) մոդուլի մալուխների անհրաժեշտ փոփոխությունների, միացումների ձևափոխում ու կարգաբերում և անհրաժեշտ լրացուցիչ մալուխների անցկացում:

Հաշվեքննությամբ պարզվեց, որ՝

- ապամոնտաժվել և մաքսային կետերի բաց տարածք են տեղափոխվել ռենտգենյան զննող սարքավորումների շարժական թևերին ամրացված VEDS համակարգերը իրենց մետաղական կոնստրուկցիաներով, իսկ VEDS համակարգերը որպես առանձին

շահագործվող համակարգ ստանալու տեղակայման և մոնտաժման աշխատանքներ չեն իրականացվել,

- ռենտգենյան զննող սարքավորման (տեխնիկական բնութագրի 2-րդ կետ) համակարգի կոնստրուկտիվ այլ էական փոփոխություններ չեն իրականացվել,
- VEDS համակարգի մեջ տեղակայված ռադիոակտիվ նյութի տարանջատման գործողություններ չեն իրականացվել՝ VEDS համակարգը իր կոնստրուկցիաներով ուղղակի ապամոնտաժվել և տեղափոխվել է բաց տարածք,
- Տեղում բոլոր աշխատանքները կատարել են «Կոնսել» ՍՊԸ-ի աշխատողները՝ ապահովելով հեռավար կապ «Արեմպա Ինթերնեյշնլ» ՍՊԸ ՖԶԸ-ի արտերկրում գտնվող մասնագետների հետ,
- աշխատանքները կատարվել են մինչև մրցույթի հայտերի բացման օրը՝ 2021 թվականի նոյեմբերի 29-ը: Ըստ ՊԵԿ կողմից տրամադրված տեղեկությունների Գոգավան-Պրիվոլնոյե մաքսային կետ բաժնում աշխատանքները կատարվել են 2021թ. հոկտեմբերի 27-ից 30-ը, իսկ Մեղրու մաքսային կետ բաժնում՝ նոյեմբերի 15-ից 17-ը,
- միաժամանակ՝ ՊԵԿ կողմից տրամադրվել է նաև տեղեկություններ առ այն, որ սահմանապահների մուտքի և ելքի այցելությունների գրանցման տեղեկատվության համաձայն, «Արեմպա Ինթերնեյշնլ» ՍՊԸ ՖԶԸ-ի մասնագետները Գոգավան-Պրիվոլնոյե մաքսային հսկողության տարածք են այցելել 2021թ. դեկտեմբերի 8-ին, 9-ին և 10-ին, իսկ Մեղրու մաքսային կետ բաժին կատարած այցելությունների վերաբերյալ տեղեկություններ առկա չեն,
- ՊԵԿ-ից ստացված ռենտգենային զննող սարքերի միջոցով կատարած զննումների վերապերյալ տեղեկություններով սարքավորումները 2021թ. նոյեմբեր և դեկտեմբեր ամիսներին, այդ թվում նոյեմբերի 15-ից 17-ը անընդմեջ շահագործվել են,
- նախահաշվային գնի որոշման հարցում ՊԵԿ-ը դիմել է միայն «Կոնսել» ՍՊԸ-ին: Աշխատանքների տեխնիկական բնութագիրը և նախահաշվային գինը սահմանվել են «Կոնսել» ՍՊԸ-ի կողմից տրված տեղեկությունների հիման վրա, առանց որևէ փոփոխություններ կատարելու:

Առկա է անհամապատասխանություն պայմանագրի տեխնիկական բնութագրով սահմանված և փաստացի կատարված աշխատանքների, ինչպես նաև կատարված աշխատանքների համար վճարված գումարի համարժեքության միջև, քանի որ VEDS համակարգերը որպես առանձին շահագործվող համակարգ ստանալու նպատակով տեղակայման և մոնտաժման աշխատանքներ, ռենտգենյան զննող սարքավորման համակարգի կոնստրուկտիվ այլ փոփոխություններ և VEDS համակարգերի մեջ տեղակայված ռադիոակտիվ նյութի տարանջատման, ինչպես նաև տարանջատման մասով աջակցության գործողություններ չեն իրականացվել: Յուրաքանչյուր սարքավորման վրա կատարված 38 մլն դրամի աշխատանքները փաստացի

կատարվել են երեք օրում, այն դեպքում, երբ հրավերով նախատեսվել էր մինչև 30 օր կատարման ժամկետ:

Առկա է անհամապատասխանություն Կարգի 32-րդ կետի 6-րդ ենթակետի պահանջների հետ (այն է՝ եթե պայմանագիրն իրականացվելու է գործակալության կամ ենթակապալի միջոցով, ապա մասնակիցը հայտով ներկայացնում է նաև գործակալության կամ ենթակապալի պայմանագրի պատճենը և դրա կողմ հանդիսացող անձի տվյալները), քանի որ աշխատանքները հիմնականում՝ բացառությամբ հեռավար կապով իրականացված ծրագրային կարգավորումների, կատարվել են «Կոնսել» ՍՊԸ-ի կողմից, առանց հայտում ենթակապալի մասին համապատասխան տեղեկություններ ներկայացնելու:

Առկա է անհամապատասխանություն ՊԵԿ-ի կողմից տրված տեղեկությունների միջև, քանի որ Մեղրու մաքսային կետ բաժնում նոյեմբեր ամսվա ընթացքում ռենտգենյան զննող սարքավորումը գտնվել է ակտիվ աշխատանքային ռեժիմում և հետևաբար նոյեմբերի 15-ից 17-ը ընկած ժամանակահատվածում նշված աշխատանքները կատարվել չէին կարող, իսկ «Կոնսել» ՍՊԸ-ի աշխատողների Գոգավան-Պրիվոլնոյե մաքսային կետ բաժնի մաքսային հսկողության տարածք դեկտեմբերի 8-ին, 9-ին և 10-ին այցելությունները չեն վերաբերվել սույն պայմանագրով նշված աշխատանքներին, քանի որ սարքավորումների տվյալ ժամանակահատվածում գտնվել են ինտեսիվ շահագործման մեջ:

Գնահատող հանձնաժողովը սկսած հայտերի բացման նիստից մինչև պայմանագրի կնքումը կազմակերպել է ձևական գործընթացներ, քանի որ աշխատանքները կատարված են եղել մինչև հայտերի բացման նիստի օրը: Իսկ պատասխանատու ստորաբաժանումը և պայմանագրի կամ դրա մի մասի հանձնման-ընդունման արձանագրությունը, պայմանագրի արդյունքը Պատվիրատուին հանձնելու փաստը ֆիքսելու վերաբերյալ ակտը և պայմանագրի կատարման վերաբերյալ եզրակացությունը ստորագրած պատասխանատու պաշտոնատար անձից մինչև 2021թ. նոյեմբեր ամիսը փաստացի կատարված աշխատանքները փաստաթղթավորել են 2021թ. դեկտեմբերի 20-ից 22-ը ընկած ժամանակահատվածի համար: Այլ կերպ ասած՝ կազմված փաստաթղթերով նշված ժամկետներում դրանով արձանագրված աշխատանքները փաստացի չեն կատարվել: Վերը նշվածից ակնհայտ է, որ մրցույթը փաստացի կրել է ձևական բնույթ, իսկ գնումը կատարվել է մեկ անձից և առանց համապատասխան պայմանագրի կնքելու: Սույնով առկա է անհամապատասխանություն Օրենքի 3-րդ հոդվածի 2-րդ մասով սահմանված՝ գնումների կազմակերպման սկզբունքների և 23-րդ հոդվածով սահմանված՝ մեկ անձից գնում կատարելու, պահանջների կատարման հետ:

Առկա է անհամապատասխանություն «Լիցենզավորման մասին» ՀՀ օրենքի 43-րդ հոդվածի 2-րդ մասով սահմանված պահանջների կատարման հետ, որով ռադիոակտիվ նյութեր պարունակող սարքերի արտադրությունը կամ օգտագործումը կամ

վերանորոգումը կամ մոնտաժումը և կարգաբերումը կամ փոխադրումը կամ պահեստավորումը համարվում է լիցենզավորման ենթակա գործունեություն, մինչդեռ մրցույթի հրավերով և պայմանագրով գործունեության տվյալ տեսակի համար օրենսդրությամբ սահմանված լիցենզավորման պահանջ չի դրվել, իսկ Արեմպա Ինթերնեյշնալ ՖԶԵ ՍՊԸ-ն տվյալ տեսակի գործունեության իրականացման լիցենզիա չի ունեցել:

Հաշվեքննության օբյեկտի արձագանքը

Հաշվեքննողի մեկնաբանությունները չեն համապատասխանում իրականությանը, ինժեներական մասնագիտական տեսանկյունից շարադրված են ոչ ճիշտ: Մասնավորապես,

ա) ապամոնտաժվել և մաքսային կետերի բաց տարածք են տեղափոխվել ռենտգենյան զննող սարքավորումների շարժական թևերին ամրացված VEDS համակարգերը իրենց մետաղական կոնստրուկցիաներով, իսկ VEDS համակարգերը որպես առանձին շահագործվող համակարգ ստանալու տեղակայման և մոնտաժման աշխատանքներ չեն իրականացվել:

Այս կապակցությամբ հայտնում ենք, որ VEDS համակարգը որպես առանձին շահագործվող համակարգ ստանալու տեղակայման և մոնտաժման աշխատանքներ տեխնիկական բնութագրում չկա և նման պահանջ մեր կողմից չեր սահմանվել:

Առկա Rapiscan Eagle Gantry 6(4,5) Mev մակնիշի ռենտգենյան զննող սարքավորմանը ինտեգրված VEDS համակարգի մետաղական կոնստրուկցիաների ապամոնտաժում, երկու առանձին շահագործվող համակարգ ստանալու նպատակով ձևակերպման իմաստը կայանում է նրանում, որ VEDS համակարգը, ապամոնտաժմամբ, չպետք է վերածվի մետաղական ջարդոնի, այլ այն պետք է լինի անվնաս, պիտանի և անհրաժեշտության դեպքում հետագայում օգտագործվի:

Տեխնիկական բնութագրով սարքավորման հետագա շահագործման խնդիր չի դրվել, այլապես անիմաստ կլիներ տվյալ ապամոնտաժումը, քանի որ այն արդեն տեղակայված էր և անհրաժեշտ կլիներ միայն սպասարկել (վերանորոգել) և շահագործել:

բ) Ռենտգենյան զննող սարքավորման (տեխնիկական բնութագրի 2-րդ կետ) համակարգի կոնստրուկտիվ այլ փոփոխություններ չեն իրականացվել:

Այս կապակցությամբ հայտնում ենք որ Հաշվեքննողի վերոգրյալ դիրքորոշումը իրականությանը չի համապատասխանում: Մասնավորապես, VEDS համակարգի կոնստրուկցիայի վրա գտնվող՝ Rapiscan Eagle Gantry մակնիշի ռենտգենյան սարքավորման բաղադրամասերի տեղափոխումները Rapiscan Eagle Gantry-ի վրա

ապահովելու համար ներկառուցվել են նոր պահարաններ, եռակցվել և ամրացվել են մետաղական նոր ուղիներ, ստեղծվել միջտարածքային անցումային նոր հատվածներ որոնցով իրականացվել են մալուխների մանտաժային աշխատանքներ: Ապամոնտաժված VEDS համակարգի կոնստրուկցիայի լայնքին համապատասխան մինչև 2 մետրով ավելացվել են Rapiscan Eagle Gantry 6(4,5) Mev մակնիշի ռենտգենյան զննող սարքավորման ընթացքն ապահովող ռեյսերը՝ ավելի մեծ երկարությամբ կամ կցորդով բեռնատարների զննումը մեկ քայլով իրականացնելու նպատակով:

գ) ռենտգենյան զննող սարքավորման շարժական թևի կոնստրուկտիվ մասի մետաղական պահարաններից ապամոնտաժվել են VEDS համակարգի որոշ PLC-ներ և դրվել են (առանց մոնտաժման) ապամոնտաժված և շահագործումից հանված ու մաքսային կետ-վարչության բաց տարածք տեղափոխված VEDS համակարգի մետաղական կոնստրուկցիաների պահարանային մասում:

Այս կապակցությամբ հայտնում ենք, որ վերոգրյալ մեկնաբանությունը մասնագիտական տեսանկյունից ընդունելի չէ, իսկ առանց մոնտաժման մեկնաբանությունը անհիմն:

Միաժամանակ տեղեկացնում ենք, որ վերոգրյալ հարցի հետ կապված Հաշվեքննողին առանձին ս.թ. ապրիլի 12-ի N /8-5/25210-2022 գրությամբ տրվել է պարզաբանում - Rapiscan Eagle Gantry-ին ունի բավականին շատ ծրագրավորված տրամաբանական վերահսկիչներ (PLC-ի), որոնցից 1-ը, անհրաժեշտությունից ելնելով, 2006-2007թթ. սարքավորումների ինտեգրման՝ մոնտաժային աշխատանքների ընթացքում տեղադրվել էր VEDS-ի կոնստրուկցիայի մեջ:

Տեխ. բնութագրի նշված կետով տարվել են աշխատանքներ Rapiscan Eagle Gantry սարքավորմանը պատկանող, սակայն VEDS-ի կոնստրուկցիայի մեջ նախկինում մոնտաժված՝ ծրագրավորված տրամաբանական վերահսկիչի (PLC-ի) տեղափոխման ուղղությամբ, որից հետո այն տեղափոխվել և տեղադրվել է դրա համար Rapiscan Eagle Gantry-ի մեջ նախապես հարմարեցված՝ նոր պահարանում (ներկառուցված):

Տվյալ աշխատանքների ավարտից հետո, իրականացվել է արդեն անմիջապես VEDS-ին պատկանող և նրա կոնստրուկցիայի մեջ գտնվող ծրագրավորված տրամաբանական վերահսկիչի (PLC-ի) տեղափոխում VEDS-ից Rapiscan Eagle Gantry տեղափոխված PLC-ից արդեն ազատված նախկին դիրք: Վերջինս պայմանավորված էր տվյալ դիրքում PLC-ի ավելի բարձր ֆիզիկական ապահովածությամբ և պաշտպանվածությամբ (մթնոլորտային տեղումներ, միջամտություններ և այլն):

դ) ընդհանուր կառավարման ծրագրավորված տրամաբանական վերահսկիչ (PLC-ի) մոդուլի մալուխների փոփոխությունների, միացումների ձևափոխման և անհրաժեշտ լրացուցիչ մալուխների անցկացման աշխատանքներ ըստ էության չեն իրականացվել:

Այս կապակցությամբ հայտնում ենք, որ Հաշվեքննողի կողմից ներկայացված մեկնաբանությունները մասնագիտական (ինժեներական) տեսանկյունից ընդունելի չեն և անհիմն: Մասնավորապես, իրականացվել են տեխնիկական բնութագրի 6-րդ և 7-րդ կետերում նշված մալուխների վերամոնտաժման, ինչպես նաև նորերի մոնտաժման աշխատանքներ: Բացի այդ, ապամոնտաժման աշխատանքներից առաջ Rapiscan Eagle Gantry with VEDS կոչվող ընդհանուր համակարգին, դրսից միացվող մալուխների գերակշիռ մասը միանում էր VEDS ենթահամակարգի միջոցով: Այնուհետև մալուխները տարածվում էին VEDS-ից դուրս եկող վերաբաշխումներով: Մալուխների վերաբաշխման ցանցի մեջ էին մտնում սովորական ցանցային, հոսանքատար ուժային և ճառագայթիչ գեներատորի առանձին սնուցումը ապահովող մալուխները:

VEDS-ի ֆիզիկապես անջատումից հետո միանշանակ անհրաժեշտ էր մալուխների վերամոնտաժում՝ նրանց երկարությունների և ուղղությունների վերակարգավորում, այդ նպատակով նոր մոնտաժված և ներկառուցված մետաղական ուղիներով, անվտանգության պահանջներից բխող խոտանված, վնասված մեկուսիչ մակերևույթներով՝ հուսալիություն չունեցող մալուխների փոխարինմամբ:

ե) VEDS համակարգի մեջ տեղակայված ռադիոակտիվ նյութի տարանջատման գործողություններ չեն իրականացվել՝ VEDS համակարգը իր կոնստրուկցիաներով ուղղակի ապամոնտաժվել և տեղափոխվել է բաց տարածք:

Հաշվեքննողի մեկնաբանությունը ընդունելի չէ, քանի որ ծառայության մատուցման տեխնիկական բնութագրում նման պահանջ չի սահմանվել:

Միաժամանակ տեղեկացնում ենք, որ վերոգրյալ կապակցությամբ Հաշվեքննողին գրավոր պատասխանվել է, որ ռադիոակտիվ նյութի տարանջատման գործողությունները և տեղափոխումը պետք է իրականացնի լիցենզավորված կազմակերպություն կողմից, որի համար ներկայումս մեր կողմից տարվում են համապատասխան աշխատանքներ:

Բացի այդ, «Արեմպա Ինթերնեյշնլ» ՍՊԸ-ն պատրաստական է աջակցություն ցուցաբերել հետագայում ռադիոակտիվ նյութը տեղափոխող մասնագետներին կոնտեյների բացման հարցում խորհրդատվության տրամադրմամբ:

զ) «Լիցենզավորման մասին» ՀՀ օրենքի, ռադիոակտիվ նյութեր պարունակող սարքերի արտադրությունը կամ օգտագործումը կամ վերանորոգումը կամ մոնտաժումը և կարգաբերումը կամ փոխադրումը կամ պահեստավորումը համարվում է լիցենզավորման ենթակա գործունեություն, մինչդեռ մրցույթի հրավերով և պայմանագրով գործունեության տվյալ տեսակի համար օրենսդրությամբ սահմանված լիցենզավորման պահանջ չի դրվել, իսկ աշխատանքներ կատարող կազմակերպությունը տվյալ տեսակի գործունեության իրականացման լիցենզիա չի ունեցել:

Այս կապակցությամբ հայտնում ենք, որ Հաշվեքննողի մոտ «Լիցենզավորման մասին» ՀՀ Օրենքի պահանջների վերաբերյալ մեկնաբանությունը չի համապատասխանում ներկայումս գործող օրենսդրության պահանջներին:

Մինչև մրցույթի հայտարարումը, ենթադրյալ կատարվող աշխատանքները, նախորոք, աշխատանքային կարգով քննարկվել է Հայաստանի Հանրապետությունում տվյալ ոլորտի լիազոր մարմնում՝ ՀՀ միջուկային անվտանգության կարգավորման կոմիտեում: Քննարկումների ընթացքում կատարվել է եզրահանգում, որ VEDS սարքավորման, նշված մակարդակի ապամոնտաժման աշխատանքների իրականացման համար արտոնագրում չի պահանջվում, արտոնագրում պետք կլինի փաստացի ռադիոակտիվ նյութը պաշտպանիչ կոնտեյներից հանելու և տեղափոխման դեպքում:

ՀՀ միջուկային անվտանգության կարգավորման կոմիտեում պարզաբանվել է նաև, որ «Լիցենզավորման մասին» ՀՀ Օրենքի, ռադիոակտիվ նյութեր պարունակող սարքերի արտադրությունը կամ օգտագործումը կամ վերանորոգումը կամ մոնտաժումը և կարգաբերումը կամ փոխադրումը կամ պահեստավորումը համարվում է լիցենզավորման ենթակա գործունեություն: Սակայն ապամոնտաժման աշխատանքներին վերաբերվող հարցը գտնվում է մշակման փուլում և ներկա պահին «Լիցենզավորման մասին» ՀՀ Օրենքում նման պահանջ սահմանված չէ:

Տեղեկացնում ենք, որ վերոգրյալի հետ կապված Կոմիտեն ս.թ. ապրիլի 12-ի N /8-5/25210-2022 գրությամբ Հաշվեքննողին արդեն իսկ տվել էր պարզաբանում:

Ինչ վերաբերում է ապամոնտաժման ընթացքում ռադիոակտիվ նյութի անվտանգ տեղափոխմանը, ապա հայտնում ենք, որ վերջինիս նկատմամբ ոչ մի անմիջական միջամտություն չի իրականացվել և նյութ պարունակող կոնտեյները տեղափոխվել է ամբողջական վիճակում, առանց բացելու կամ վնասելու:

Է) Տրանսպորտային միջոցներ զննող ռենտգենյան սարքավորումներին ինտեգրված՝ ավտոմեքենաներում պայթուցիկ նյութեր հայտնաբերող VEDS համակարգի ապամոնտաժման աշխատանքների տեխնիկական բնութագրով յուրաքանչյուր սարքավորման մասով նախատեսվել է տասնմեկ կետից բաղկացած ապամոնտաժման, մոնտաժման, ծրագրավորման, կարգաբերման և այլ աշխատանքներ, որոնց կատարման համար պայմանագրով նախատեսվել է 30 օր ժամկետ, իսկ պլանավորված և փաստացի կատարած աշխատանքների արժեքը 76 մլն դրամ:

Հաշվեքննությամբ պարզվեց, որ 20.12.2021-22.12.2021թթ. ժամանակահատվածում նշված սարքավորումները գտնվել են շահագործման մեջ և դրանցով կատարվել են բեռնատար տրանսպորտային միջոցների զննումներ: Այլ կերպ ասած՝ հանձնման-ընդունման արձանագրությամբ սահմանված ժամկետներում նշված աշխատանքները չեն իրականացվել:

Այս կապակցությամբ հայտնում ենք, որ Կոմիտեն չի ընդունում նշված մեկնաբանությունը և հայտնում է, որ հանձնման-ընդունման արձանագրությամբ ժամկետներ չեն սահմանվում, նրանում նշվում է պայմանագրով ամրագրված վերջնաժամկետը և փաստացի կատարված աշխատանքների ավարտի օրը: Արձանագրությունը ստորագրվել է 2021թ. դեկտեմբերի 21-22-ը ընկած ժամանակահատվածում «Արեմպա Ինթերնեշնլ» ՍՊԸ-ի կողմից սարքավորման կարգաբերման տվյալների վերջնական ստուգումից հետո, որի նկատմամբ աշխատանքները սկսվել էին ավելի վաղ ժամանակաշրջանում:

Ապամոնտաժման աշխատանքների մատուցման ծառայության ձեռքբերման մրցույթի հայտարարումից հետո Կոմիտեն էր դիմել Rapiscan ընկերության տարածաշրջանային ներկայացուցիչը, ի դեմս «Արեմպա Ինթերնեշնլ» ՍՊԸ-ի, և հայտնել որ տվյալ ծառայությունը կարող է ապահովվել միայն իրենց ընկերության կողմից և առաջարկել է հնարավորություն տալ աշխատանքները սկսել ավելի վաղ ժամանակահատվածում և ներկայացրել հիմնավորումներ:

Աշխատանքները կարող է և իրավունք ունի կատարելու միայն «Արեմպա Ինթերնեշնլ» ՍՊԸ-ն,

2021թ-ի դեկտեմբեր և նրան հաջորդող երկու ամիսների ընթացքում իր մասնագետների ծանրաբեռնվածությունը, նրանց խիստ զբաղվածության գրաֆիկը,

Ձմեռվա ցրտերին, ռենտգենյան սարքավորման մասնաշենքի երկկողմանի բաց դարպասներով պայմանավորված միջանցիկ քամիների առկայության պայմաններում աշխատանքների իրականացման խնդրահարույց լինելը,

Երկար տարիների համագործակցության ընթացքում, Rapiscan Eagle Gantry մակնիշի ռենտգենյան սարքավորման հետ կապված սպասարկման աշխատանքների իրականացման շրջանակներում, հաշվի առնելով Կոմիտեի մշտական պահանջը՝ նոր տարվա շեմին, ՀՀ սահմանով տեղափոխվող ապրանքների հոսքի բազմակի ավելացմամբ պայմանավորված, մաքսային հսկողության գործընթացը չթուլացնելու նպատակով սպասարկման ընթացքում բացառելու սարքավորման շահագործման դադարեցումը տևական ժամանակով:

Կոմիտեն ընդառաջել է «Արեմպա Ինթերնեշնլ» ՍՊԸ-ի խնդրանքը, հիմք ընդունելով ՀՀ սահմանով ապրանքների հոսքի բազմակի ավելացման պայմաններում, արդյունավետ մաքսային հսկողության գործընթաց ապահովելու հնարավորությունը, որի արդյունքում շահելու էր նաև պետությունը:

Հաշվեքննողների մեկնաբանությունը

Հաշվեքննության օբյեկտի կողմից բերված առարկությունները ընդունելի չեն:

Հրավերի և պայմանագրի տեխնիկական բնութագրով սահմանվել են աշխատանքների մանրամասն նկարագրեր, ինչը նշանակում է որ ինչպես նախահաշվային գինը, այնպես էլ կնքված պայմանագրի գինը ներառում է դրանց յուրաքանչյուրի կատարման արժեքը՝ ճիշտ այնպես, ինչպես նկարագրված է տեխնիկական բնութագրում: Իսկ տեխնիկական բնութագրով սահմանված՝ «Առկա Rapiscan Eagle Gantry 6(4,5) Mev մակնիշի ռենտգենյան զննող սարքավորմանը ինտեգրված VEDS համակարգի մետաղական կոնստրուկցիաների ապամոնտաժում՝ երկու առանձին շահագործվող համակարգ ստանալու նպատակով» նկարագրությունը հստակ ենթադրում է VEDS-ը որպես առանձին համակարգ ստանալու անհրաժեշտություն և համապատասխան տեղակայման աշխատանքներ: Որպես առանձին կետ նշված՝ «ռենտգենյան զննող սարքավորման համակարգի կոնստրուկտիվ այլ փոփոխություններ» բնութագրի ներքո ըստ էության աշխատանքներ չեն իրականացվել, իսկ այս մասով առարկությամբ ներկայացվածը առավելապես ներառված է տեխնիկական բնութագրի մնացած կետերում: VEDS համակարգերի մեջ տեղակայված ռադիոակտիվ նյութի տարանջատման, ինչպես նաև տարանջատման մասով աջակցության գործողությունները միանշանակորեն չեն կատարվել: Ամփոփելով նշենք, որ 11 կետից բաղկացած աշխատանքները յուրաքանչյուր սարքավորման մասով փաստացի կատարվել են ընդամենը երեք օրում, այն էլ՝ հիմնականում ենթակապալ կազմակերպության միջոցով և միայն որոշ ծրագրային կարգավորումների աշխատանքներ կատարվել են հեռավար կապով՝ արժենալով յուրաքանչյուր սարքավորման համար 38 մլն դրամ: Հետևաբար՝ պայմանագրի տեխնիկական բնութագրով նկարագրված և փաստացի կատարված աշխատանքների, ինչպես նաև դրանց համարժեքության վերաբերյալ արձանագրված անհամապատասխանությունները տեղին և ճիշտ են:

ՊԵԿ-ի ներկայացված մեկնաբանությունը, որ Կոմիտեն ընդառաջել է «Արեմպա Ինթերնեշնլ» ՍՊԸ-ի խնդրանքին, հիմնավորում է արձանագրված անհամապատասխանությունը առ այն, որ մրցույթը կրել է ձևական բնույթ, գնումը կատարվել է մեկ անձից և առանց համապատասխան պայմանագրի, որը հետագայում փաստաթղթավորվել է հաշվարկային և այլ փաստաթղթերով:

Հաշվեքննության օբյեկտի կողմից նշված աշխատանքների համար լիցենզավորման անհրաժեշտություն չլինելու վերաբերյալ դիրքորոշումն ընդունելի չէ, քանի որ օրենքով ռադիոակտիվ նյութեր պարունակող սարքերի արտադրությունը կամ օգտագործումը կամ վերանորոգումը կամ մոնտաժումը և կարգաբերումը կամ փոխադրումը կամ պահեստավորումը համարվում է լիցենզավորման ենթակա գործունեություն:

Առաջարկություն հաշվեքննության օրյեկտին

- Դիտարկել «Կոնսել» ՍՊԸ-ի սույն պայմանագրի շրջանակներում ստացած եկամուտների հայտարարագրման և հարկային պարտավորությունների կատարման իսկությունը, ինչպես նաև Հարկային օրենսգրքով սահմանված պահանջների կատարման համապատասխանությունը:
- Դիտարկել հարկային օրենսգրքով սահմանված՝ առանց լիցենզիայի գործունեություն իրականացնելու համար սահմանված պատասխանատվության միջոցների կիրառությունը «Արեմպա Ինթերնեյշնլ» ՍՊԸ ՖԶԸ-ի նկատմամբ:

5.5. ՀՀ կառավարության 2021թ. նոյեմբերի 25-ի թիվ 1923-Ն որոշմամբ 2021թ. պետական բյուջեում կատարված վերաբաշխումների վերաբերյալ

ՀՀ կառավարության 2019թ. դեկտեմբերի 12-ի «Հայաստանի Հանրապետության պետական եկամուտների կոմիտեի 2020-2024 թվականների զարգացման և վարչարարության բարելավման ռազմավարական ծրագիրը հաստատելու մասին» թիվ 1830-Ն որոշմամբ, որպես առանձին ռազմավարական խնդիր, ամրագրվել է ՀՀ ՊԵԿ առկա սերվերային տնտեսության զարգացումն ու արդիականացումը: Նշված ծրագրով խնդիր է դրվել զարգացնել և արդիականացնել ՊԵԿ սերվերային և օպերացիոն համակարգերը, ինչպես նաև օպտիմալացնել տեղեկատվական համակարգերը: ՊԵԿ կողմից շահագործվող էլեկտրոնային կառավարման համակարգերի արդյունավետ գործունեության և նոր համակարգերի ներդրման ապահովման նպատակով նախատեսվել է իրականացնել հանգույցի և օպերացիոն համակարգերի շարունակական զարգացում: Նախատեսվում էր իրականացնել ներքին ցանցի արդիականացում, միջազգային ստանդարտներին համապատասխան անվտանգության մակարդակի բարձրացում և ցանցի սպասարկման ապահովում՝ բոլոր համակարգիչները AD Domain համակարգին միացնելու, հակավիրուսային համապատասխան ծրագիր ներդնելու, ինտերնետային վերահսկողություն ապահովելու՝ հեռահար լիարժեք սպասարկելու միջոցով: Նախատեսվել է նաև ապահովել մաքսային և հարկային տեղեկատվական շտեմարանների օպտիմալացում, հավաքագրվող տեղեկատվության հիման վրա մեծ ծավալի տվյալների վերլուծական համակարգի մշակում և սպասարկում:

Համաձայն ՀՀ բարձր տեխնոլոգիական արդյունաբերության նախարարության կանոնադրության, նախարարության խնդիրներից են էլեկտրոնային ծառայությունների

և էլեկտրոնային կառավարման համակարգի ներդրումը և զարգացումը, թվայնացման գործընթացների համակարգման, միասնական թվայնացված միջավայրի և թվային տնտեսության ձևավորման խթանումը: Համաձայն Կանոնադրության 11-րդ կետի 40-րդ ենթակետի, ապահովում է ՀՀ պետական մարմիններում ներդրվող թվայնացման և էլեկտրոնային կառավարման համակարգերի նախագծման, մշակման և իրականացման գործընթացը:

Ռազմավարական ծրագրով սահմանված սերվերային և օպերացիոն համակարգերի արդիականացման վերաբերյալ դիրքորոշում հայտնելու նպատակով, ՊԵԿ նախագահը 2021թ. ապրիլի 28-ին դիմել է ՀՀ բարձր տեխնոլոգիական արդյունաբերության նախարարի պաշտոնակատարին՝ միաժամանակ ներկայացվել է սերվերային համակարգի ձեռք բերման հիմնավորում: ՊԵԿ-ի կողմից որոշվել է ձեռք բերել նոր սերվերային համակարգ՝ իր ամբողջ լրակազմով:

- կոմպոզիտիվ սերվերային ենթահամակարգ,
- կոմպոզիտիվ սերվերներ,
- տվյալների պահպանման համակարգ:

Ուսումնասիրելով հիմնավորումները և տեխնիկական բնութագրերը, նախարարությունը ներկայացրել էր իր դիրքորոշումը՝ մի շարք հարցերի վերաբերյալ մատնանշելով մանրամասն պարզաբանումների անհրաժեշտության մասին: Մասնավորապես, գրությամբ ներկայացված անհրաժեշտ պարզաբանումների ցանկում նշվել է՝ «արդյոք գնահատվել է արդիականացման և փոխարինման համար ֆինանսական ծախսերի համեմատությունը», միաժամանակ նշվել է, որ բնութագրում սահմանված՝ «համակարգերը պետք է լինեն ամբողջովին համատեղելի» պայմանը չի ենթադրում, որ համակարգերը պետք է արտադրված լինեն մեկ արտադրողի կողմից: Առաջարկվել է նաև սերվերային սարքավորումների ձեռք բերման տեխնիկական առաջադրանքում դիտարկել «Hardware as service» մոտեցումը:

Տեղեկատվական բաց հարթակներում առկա տեղեկությունների ուսումնասիրությամբ պարզվեց, որ ՀՀ բարձր տեխնոլոգիական արդյունաբերության նախարարության կողմից առաջարկված «Hardware as service» մոտեցումը հնարավորություն է ստեղծում խուսափել նոր համակարգի գնման հսկայական ծախսերից, ընթացիկ սպասարկման ծախսերից, տալիս է սարքավորումների ընտրության և խնդիրների լուծման ավելի լայն շրջանակ՝ միաժամանակ ապահովելով անվտանգության բարձր մակարդակ:

ՊԵԿ նախագահի կողմից նախարարության կողմից բարձրացված հարցադրումների մասով հունիսի 1-ին ներկայացվել են պարզաբանումներ՝ միաժամանակ նշելով, որ «ՊԵԿ առկա ռեսուրսները խիստ սահմանափակ են (2-3 ամիս), ուստի առաջարկվող արդիականացումը անհրաժեշտ է իրականացնել օպերատիվ,

հնարավոր սեղմ ժամկետներում»: Միաժամանակ խնդրել է «հնարավոր սեղմ ժամկետներում դիտարկել ներկայացված դիրքորոշումը և առաջարկությունների բացակայության դեպքում տալ դրական եզրակացություն»: Ի պատասխան նշված գրության, ՀՀ բարձր տեխնոլոգիական արդյունաբերության նախարարի պաշտոնակատարը՝ 2021թ. հունիսի 17-ի պատասխան գրությամբ նշել է, որ նշված պարզաբանումներն ընդունվել են ի գիտություն, այլ դիտարկումներ չկան, սակայն հայցվող դրական եզրակացություն չի տրվել:

ՊԵԿ նախագահը 2021թ. հունիսի 21-ին դիմել է ՀՀ կառավարության, ներկայացնելով սերվերային համակարգի ձեռք բերման հիմնավորումները և տեխնիկական բնութագրերը, ինչպես նաև ՀՀ բարձր տեխնոլոգիական արդյունաբերության նախարարության և «ԷԿԵՆԳ» ՓԲ ընկերության կողմից ներկայացված կարծիքները: Նշվել է, որ հրատապ պահանջ է դարձել ՀՀ ՊԵԿ առկա սերվերային տնտեսության զարգացումն ու արդիականացումը, ինչպես նաև հղում է արվել ՀՀ կառավարության 2019թ. դեկտեմբերի 12-ի «Հայաստանի Հանրապետության պետական եկամուտների կոմիտեի 2020-2024 թվականների զարգացման և վարչարարության բարելավման ռազմավարական ծրագիրը հաստատելու մասին» թիվ 1830-Լ որոշմանը:

Հաշվեքննությամբ պարզվեց, որ տվյալ միջոցառման իրականացումը, որպես բյուջետային ծրագիր չի ներառվել ոչ 2020 թվականի պետական բյուջեի սկզբնական և փոփոխված տարբերակում և ոչ էլ՝ 2021 թվականի տարեկան բյուջեում: ՀՀ կառավարության 2021թ. նոյեմբերի 25-ի թիվ 1923-Ն որոշմամբ 2021թ. պետական բյուջեում կատարվել է վերաբաշխում, որի արդյունքում «ՀՀ ՊԵԿ տեխնիկական հագեցվածության բարելավում» միջոցառման շրջանակում «վարչական սարքավորումներ» հոդվածով նախատեսվող ծախսերն ավելացել են 1,310,160.0 հազ. դրամով՝ տարեսկզբին հաստատված 50,000.0 հազ. դրամի դիմաց: Նշված որոշման հիմնավորմամբ, պետական բյուջեում կատարվող փոփոխությունը պայմանավորված էր «ՀՀ պետական եկամուտների կոմիտեում գործող սերվերային համակարգերի բարոյական և ֆիզիկական մաշվածությամբ, որոնք տեղադրվել և գործարկվում են 2014 թվականից, ինչը բացասաբար է անդրադառնում ոչ միայն հարկերի հավաքագրման գործընթացին, այլ ընդհանրապես ՀՀ ներքին և արտաքին տնտեսական գործունեությանը»:

Հատկացված գումարի 50.0%-ը կամ 655,400.0 հազ. դրամը տրամադրվել է ի հաշիվ «ոչ նյութական հիմնական միջոցներ» ծախսային հոդվածի, իսկ 654,760.0 հազ. դրամը՝ ՀՀ կառավարության 2021թ. նոյեմբերի 25-ի թիվ 1923-Ն որոշմամբ ՊԵԿ 2021թ. պետական բյուջեի մի շարք հոդվածներից կատարված նվազեցումներից.

- ոչ նյութական հիմնական միջոցներ՝ (655,400.0) հազ. դրամ,
- գույքի և սարքավորումների վարձակալություն՝ (15,000.0) հազ. դրամ,

- համակարգչային ծառայություններ՝ (88,715.0) հազ. դրամ,
- տեղեկատվական ծառայություններ՝ (7,300.0) հազ. դրամ,
- ընդհանուր բնույթի այլ ծառայություններ՝ (160,316.4) հազ. դրամ,
- մասնագիտական ծառայություններ՝ (14,900.0) հազ. դրամ,
- գրասենյակային նյութեր և հագուստ՝ (59,819.6) հազ. դրամ,
- կենցաղային և հանրային սննդի նյութեր՝ (3,102.0) հազ. դրամ,
- ՊԵԿ տեխնիկական հագեցվածության բարելավում, այլ մեքենաներ և սաքավորումներ՝ (34,794.0) հազ. դրամ,
- ՊԵԿ շենքային պայմանների բարելավում, շենք և շինությունների կապիտալ վերանորոգում՝ (183,773.0) հազ. դրամ,
- «Մեղրիի սահմանային անցակետի ծրագիր» դրամաշնորհային ծրագիր, շենքային պայմանների բարելավում՝ (46,686.1) հազ. դրամ,
- «Մեղրիի սահմանային անցակետի ծրագիր» վարկային ծրագիր, շենքային պայմանների բարելավում՝ (40,353.9) հազ. դրամ:

Արդյունքում, ՊԵԿ 2021թ. համար նախատեսված ծրագրերը ենթարկվել են փոփոխությունների՝ ունենալով նվազման միտում, միևնույն ժամանակ, առանձին ծրագրեր հանվել են տարեկան բյուջեից կամ ունեցել են կատարման ցածր աստիճան:

Այսպես, Մեղրիի սահմանային անցակետի վերակառուցման և արդիականացման աշխատանքները տարվա ընթացքում չեն իրականացվել և 4-րդ եռամսյակում ծրագրերը հանվել են տարեկան բյուջեի միջոցառումներից: 2021թ. պետական բյուջեի առանձին հոդվածների տարեսկզբին հաստատված ծրագրային ցուցանիշները (նախահաշիվները) հետագայում ենթարկվել են փոփոխությունների՝ ունենալով հիմնականում նվազման միտում, իսկ կատարողականների մասով առկա է ցածր մակարդակ: Կատարողականի նվազագույն մակարդակ է արձանագրվել «մասնագիտական ծառայություններ» և «տեղեկատվական ծառայություններ» հոդվածներով, որոնց կատարողականները կազմել են համապատասխանաբար՝ 24.4% և 48.8%:

Փաստացի առկա է պետական բյուջեի պլանավորման և կատարման ոչ բավարար մակարդակ:

Հաշվեքննության օբյեկտի արձագանքը

Ըստ Հաշվեքննողի կողմից ներկայացված հաշվեքննության արդյունքների, 2021 թվականին Կոմիտեի գծով տեղի է ունեցել պետական բյուջեի պլանավորման և կատարման ոչ բավարար մակարդակ, որը հիմնականում պայմանավորված է 2021 թվականի ընթացքում «ՀՀ ՊԵԿ տեխնիկական հագեցվածության բարելավում»

միջոցառման շրջանակներում 1,310.2 հազար դրամով ձեռքբերված սերվերային համակարգով:

Այս կապակցությամբ հայտնում ենք, որ Կոմիտեի էլեկտրոնային համակարգերի հնարավոր խափանումները կարող էին ստեղծել ՀՀ ամբողջ տնտեսության համար արտակարգ և չնախատեսված իրավիճակ և վտանգել, ինչպես հարկերի հավաքագրման գործընթացը, այնպես էլ ընդհանրապես ՀՀ ներքին և արտաքին տնտեսական գործունեությունը: Սերվերային համակարգի արդիականացման աշխատանքներն անհրաժեշտ էր իրականացնել հնարավորինս սեղմ ժամկետներում և 2021 թվականի ընթացքում նախքան այդ բյուջեով պլանավորման անհրաժեշտություն չկար: Ուստի, ՀՀ կառավարության 2021 թվականի նոյեմբերի 25-ի N 1923-Ն որոշմամբ, ՀՀ 2021 թվականի պետական բյուջեի Կոմիտեի գծով տարեկան ցուցանիշներում կատարված վերաբաշխումների հիմքում ընկած էր վերը նշված խնդրի առաջնահերթությունը, որի համար Կոմիտեի գործերի կառավարման վարչությունը (ներկայումս՝ Կոմիտեի գնումների կազմակերպման և վարչատնտեսական ապահովման վարչությունը), որպես որոշ գնման առարկաների մասով պատասխանատու ստորաբաժանում, մի շարք հոդվածներից տրամադրել է ֆինանսական միջոցներ միայն Կոմիտեի կառուցվածքային ստորաբաժանումների ղեկավարների կողմից ներկայացված իրենց կողմից ղեկավարվող ստորաբաժանումների համար 2021 թվականին անհրաժեշտ ապրանքատեսակների ցանկը և պահեստում առկա ապրանքների մնացորդը կրկնակի ուսումնասիրելուց և համադրելուց հետո:

Սերվերային համակարգի ձեռքբերման համար Կոմիտեն 2021 թվականին պետական բյուջեով նախատեսված իր իսկ միջոցներից նվազեցումներ է կատարել նաև շենքերի և շինությունների շինարարության, հիմնանորոգման և ոչ նյութական հիմնական միջոցների ձեռքբերման համար նախատեսված գումարներից, որի վերաբերյալ Հաշվեքննողին ս.թ. ապրիլի 4-ին N 01/17-2/22892-2022 գրությամբ ներկայացրել է պարզաբանումներ և հիմնավորումներ:

Հաշվեքննողների մեկնաբանությունը

Հաշվեքննության օբյեկտի կողմից ըստ էության առարկություններ չեն ներկայացվել:

5.6. ՀՀՊԵԿ-ԷԱՃ-ԱՊՁԲ-21/25-1 գնման ընթացակարգի վերաբերյալ

ՀՀՊԵԿ-ԷԱՃ-ԱՊՁԲ-21/25 ծածկագրով գնման գործընթացը կազմակերպելու մասին Էլեկտրոնային աճուրդի հայտարարությունն ու հրավերը հրապարակվել է 26.08.2021 թվականին, ինչով նախատեսվել է ձեռք բերել կոմպոզիտիվ սերվերներ և տվյալների պահոցներ: Հրավերի վերաբերյալ «Ստեպ Լոջիկ Յուգ» ՍՊ ընկերության կողմից պահանջվել են պարզաբանումներ, որի վերաբերյալ գնման ընթացակարգի գնահատող հանձնաժողովի կողմից 08.09.2021թ. ներկայացվել են համապատասխան պարզաբանումներ:

«Ստեպ Լոջիկ Յուգ» ՍՊ ընկերության կողմից 08.09.2021թ. բողոք է ներկայացվել, պահանջելով պարտավորեցնել ՀՀՊԵԿ-ԷԱՃ-ԱՊՁԲ-21/25 ծածկագրով ընթացակարգի գնահատող հանձնաժողովին հրապարակված հրավերում և դրան կից տեխնիկական բնութագրում կատարել փոփոխություններ կամ չկայացած հայտարարել ծածկագրով հայտարարված ընթացակարգը: Բողոք բերող անձը ներկայացրել է հետևյալ պատճառաբանությունները՝

- գնման առարկա է հանդիսացել Պատվիրատուի կարիքների համար «կոմպոզիտիվ սերվերների և տվյալների պահոցների» ձեռքբերումը, որոնք խմբավորված են երկու չափաբաժնում, այլ ոչ թե առկա սերվերային համակարգի արդիանականացումը,

- տեխնիկական բնութագրում առանձին բնութագրեր ունեցող գնման առարկաները խմբավորվել են երկու չափաբաժնում, որով խախտվել է Գնումների մասին օրենքի 25-րդ հոդվածի 2-րդ կետը,

- տեխնիկական բնութագրում նախատեսվել են նախապայմաններ, չափանիշներ, որոնք սահմանափակում են ազատ մրցակցությունը, անհնարին դարձնում կոնկրետ արտադրողից բացի այլ արտադրողի ապրանքով մասնակցությունը (նման տեսակետ է հայտնել նաև ՀՀ բարձր տեխնոլոգիական արդյունաբերության նախարարությունը):

«Ստեպ Լոջիկ Յուգ» ՍՊ ընկերության միջնորդությամբ ներգրավվել է նաև ՀՀ պետական վերահսկողական ծառայությունը: Նիստի ընթացքում Ծառայությունը ներկայացրել է իր դիրքորոշումը, ըստ որի գնման առարկաների բնութագրերը կազմված են ՀՀ գնումների մասին օրենքի համապատասխան, իսկ ապրանքի արհեստականորեն «կամ համարժեք» նշված լինելու վերաբերյալ գնահատական չի կարող ներկայացնել համապատասխան մասնագետ չունենալու պատճառով:

ՀՀ գնումների հետ կապված բողոքներ քննող անձի 08.10.2021թ. որոշմամբ «Ստեպ Լոջիկ Յուգ» ՍՊԸ-ի կողմից 08.09.2021թ. ներկայացված ԳԲԲԱ-ԼՕ-2021/75 ծածկագրով բողոքը մերժվել է ամբողջությամբ՝ անհիմն լինելու պատճառաբանությամբ:

Գնահատող հանձնաժողովի 25.09.2021թ. կայացած նիստի հայտերի բացման մասին թիվ 5 արձանագրության համաձայն, էլեկտրոնային աճուրդին մասնակցել է մեկ կազմակերպություն՝ «Թիմ Սիսթեմս» ՓԲ ընկերությունը, որը հաղթող է ճանաչվել:

ՊԵԿ-ի տեղեկատվական տեխնոլոգիաների վարչության պետի պաշտոնակատարի կողմից 2021թ. դեկտեմբերի 11-ին՝ ՊԵԿ գլխավոր քարտուղարին ուղղված գրությամբ, հայտնել է, որ 2021թ. հոկտեմբերի 22-ին ՊԵԿ-ի և «Թիմ Սիսթեմս» ՓԲ ընկերության միջև կնքվել է ՀՀ ՊԵԿ-ԷԱԾ-ԱՊԶԲ-21/25-1 ծածկագրով կոմպոզիտիվ սերվերների և տվյալների պահոցների ձեռքբերման պայմանագիր, որի գինը կազմում է 1,310,160.0 հազ. դրամ: Միաժամանակ, ՀՀ կառավարության 2021թ. նոյեմբերի 25-ի թիվ 1923-Ն որոշմամբ նախատեսվել է 100% կանխավճարի հատկացում, որը 21.12.2021թ.-ին ամբողջությամբ փոխանցվել է «Թիմ Սիսթեմս» ՓԲԸ-ին (ՀՀ պետական ռեգիստրում գրանցում է ստացել 08.12.2020թ.-ին, գործունեության ոլորտը՝ էլեկտրոնային և հեռահաղորդակցական սարքավորանքի ու դրանց մասերի մեծածախ առևտուր):

Ստորև ներկայացնում ենք ՊԵԿ նախահաշվային և մասնակցի կողմից ներկայացված գները.

հազ.դրամ

Չափաբաժին	Գնային առաջարկ	Նախահաշվային առավելագույն գին
1. Կոմպոզիտիվ սերվերներ	110,400.0	112,000.0
2. Տվյալների պահոցներ	1,199,760.0	1,200,000.0
Ընդամենը	1,310,160.0	1,312,000.0

Կարելի է արձանագրել, որ միակ մասնակցի պարագայում, «Թիմ Սիսթեմս» ՓԲ ընկերությունը մրցույթում հաղթող է ճանաչվել նախահաշվային առավելագույն շուրջ 100%-ի չափով:

Սարքավորումների մատակարարումը կնքված պայմանագրում փոփոխություններ կատարելու մասին լրացուցիչ Համաձայնագրով նախատեսվել է իրականացնել մինչև 2022թ. մարտի 18-ը, իսկ մարտի 14-ին՝ ՀՀ ՊԵԿ-ԷԱԾ-ԱՊԶԲ-21/25-1 կնքված պայմանագրում փոփոխություններ կատարելու մասին Համաձայնագիր 2-ով, ապրանքի մատակարարման ժամկետը երկարաձգվել է ևս 30 օրացուցային օրով, վերջնաժամկետ սահմանելով 2022թ. ապրիլի 16-ը ներառյալ:

Գնման շրջանակներում նախատեսվել է ձեռք բերել ստորև ներկայացված տեխնիկական բնութագրին համապատասխան ապրանքներ:

Չափաբաժին 1

Կոմպոզիտիվ սերվերներ	Տեսակ	ՀՀ ՊԵԿ-ում առկա HPE Synergy 12000-ում տեղադրելու համար
	Պրոցեսորների քանակ	Յուրաքանչյուր սերվերի վրա առնվազն երկու հատ
	Պրոցեսորի պարամետրեր	2 հատ 20-միջուկանի, 2.1Ghz հաճախականության, 2933MHz հաճախականությամբ DDR4 աջակցմամբ
	Պրոցեսորների արտադրողականություն	SPEC rate2017 integer result base` 223 միավոր
	Օպերատիվ հիշողություն	Ընդամենը 512ԳԲ` 16 միանման DDR4-2933 Dual Rank մոդուլներով
	Հիմնական հիշողություն	2 հատ 480ԳԲ 2.5" SSD կրիչ
	Ethernet ցանց	1 կոնվերգենտ քարտ 2 Ethernet պորտերով` յուրանչյուրը 25/50 Գբիթ/վրկ
	Fibre Channel ցանց	1 քարտ 2 Fibre Channel պորտերով` յուրանչյուրը 32 Գբիթ/վրկ

- Ապրանքները պետք է լինեն չօգտագործված:
- Սարքերը և օժանդակ մասերը պետք է լինեն գործարարանային արտադրության:
- Ապրանքների տեղափոխումը, բեռնաթափումը, տեղադրումը և գործարկումը իրականացնում է մատակարարը՝ իր հաշվին և իր միջոցներով, համաձայն արտադրողի կողմից խորհուրդ տրվող ճարտարապետության:
- Տեխնիկական բնութագրում որևէ առևտրային նշանի, ֆիրմային անվանման, արտոնագրի, էսքիզի կամ մոդելի, ծագման երկրի կամ կոնկրետ աղբյուրի կամ արտադրողի օգտագործումը պարունակում է նաև «կամ համարժեք» բառերը:
- Հրավերով պահանջվող սարքերի համար մասնակիցը պետք է ներկայացնի արտադրողի լիազորագիր (MAF) կամ պաշտոնական մատակարարի լիազորագիր (DAF):
- Արտադրողի կողմից պետք է գործի 5 տարվա գործարանային երաշխիք՝ 24x7 ռեժիմում արտադրողի համակարգում սերվիս-դեպք գրանցելու հնարավորությամբ և առավելագույնը 4-ժամյա հետադարձ կապով: Վնասված կրիչները փոխարինումից հետո չեն վերադարձվելու մատակարարին կամ արտադրողին, ինչը պետք է արձանագրված լինի արտադրողի կողմից ներառվող գործարանային երաշխիքի նկարագրությունում:

Չափաբաժին 2

Տվյալների պահոցներ	Կոնտրոլերների նկարագրություն	- առնվազն 4 ակտիվ կոնտրոլեր՝ տաք փոխարինման հնարավորությամբ - ընդհանուր 1TiB cache հիշողություն՝ 256GiB յուրաքանչյուր կոնտրոլերի վրա - առնվազն 32 հատ 32Gb Fibre Channel պորտեր - յուրաքանչյուր կոնտրոլերի վրա առնվազն 2 հատ 10Gb Ethernet առանձնացված պորտեր՝ նախատեսված տվյալների ապաքարատային ռեպլիկացիայի համար - յուրաքանչյուր կոնտրոլերի վրա առնվազն 4 հատ SAS 12Gb պորտեր՝ նախատեսված սկավառակների դարակների միացման համար
	Տեղադրված սկավառակներ	48x1.92TB SSD SAS 2.5" սկավառակներ
	Համակարգի աճեցման հնարավորություն	- առնվազն 26 հատ NVMe SSD կրիչներ տեղադրելու հնարավորություն - առնվազն 384 հատ SSD սկավառակներ տեղադրելու հնարավորություն - առնվազն 576 հատ HDD սկավառակներ տեղադրելու հնարավորություն - 1.92, 3.84, 7.68, 15.36TB SSD 2.5" սկավառակների աջակցում
	Համակարգի ֆունկցիոնալ	- ակնթարթային պատճենների ստեղծում (snapshots) - ամբողջական պատճենների ստեղծում (snapclones) - համակարգի կառավարման ծրագրային ապահովում - համակարգի արագագործության վերլուծության ծրագրային ապահովում - նեղ հատորների հետ աշխատելու հնարավորություն (Thin Provisioning) - համակարգը տրամաբանական հատորների բաժանելու հնարավորություն - Oracle, Microsoft Exchange, Microsoft SQL, VMware vSphere, Microsoft Hyper-V ծրագրային փաթեթների համար ակնթարթային կոնսիստենտ պատճենների ստեղծման հնարավորություն - VMware vCenter-ի հետ ինտեգրման հնարավորություն - Տվյալների դեդուպլիկացիա և սեղմում (Compression)
	Տվյալների ռեպլիկացիա	- Տվյալների սինխրոն և ասինխրոն ռեպլիկացիա միևնույն մոդելի այլ համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման - Տվյալների սինխրոն և ասինխրոն ռեպլիկացիա առկա HPE 3PAR 8400 համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման
	Համակարգի ադմինիստրավորում	- Համակարգը պետք է աջակցի "call home" ֆունկցիոնալ, որը թույլ է տալիս՝ - համակարգի խնդիրների դեպքում արտադրողի սերվիսային համակարգում ավտոմատ սերվիս-դեպքի գրանցում - հաշվի առնելով պատմիրատուի մոտ առկա միկրոկողերի և ծրագրային փաթեթների տարբերակները (version)՝ առկա խորհուրդ տրվող թարմացումների ցանկի ավտոմատ տրամադրում - 10-բալային համակարգով գրել/կարդալու գործողությունների ժամանակ համակարգի արտադրողականության զնահատում
	Մալուխներ և փոխարկիչներ	Տվյալների պահոցը նաև պետք է ներառի բոլոր կոմպոնենտները արտաքին ենթակառուցվածքներին միանալու համար: Այդ կոմպոնենտներն են՝ Ա. Էլեկտրական սնուցման աղբյուրին միացվող մալուխներ բոլոր հոսանքի մուտքերի համար Բ. Փոխարկիչներ տվյալների պահոցների բոլոր օպտիկական պորտերին միանալու համար Գ. Օպտիկական մալուխներ Բ կետում նշված բոլոր փոխարկիչներին միանալու համար Դ. Մալուխներ տվյալների պահոցի բոլոր կոնտրոլերները բոլոր դարակաշարերին միացնելու համար

- Ապրանքները պետք է լինեն չօգտագործված:
- Սարքերը և օժանդակ մասերը պետք է լինեն գործարարանային արտադրության:

- Ապրանքների տեղափոխումը, բեռնաթափումը, տեղադրումը և գործարկումը իրականացնում է մատակարարը՝ իր հաշվին և իր միջոցներով, համաձայն արտադրողի կողմից խորհուրդ տրվող ճարտարապետության:
- Տեխնիկական բնութագրում որևէ առևտրային նշանի, ֆիրմային անվանման, արտոնագրի, էսքիզի կամ մոդելի, ծագման երկրի կամ կոնկրետ աղբյուրի կամ արտադրողի օգտագործումը պարունակում է նաև «կամ համարժեք» բառերը:
- Հրավերով պահանջվող սարքերի համար մասնակիցը պետք է ներկայացնի արտադրողի լիազորագիր (MAF) կամ պաշտոնական մատակարարի լիազորագիր (DAF):
- Արտադրողի կողմից պետք է գործի 5 տարվա գործարանային երաշխիք՝ 24x7 ռեժիմում արտադրողի համակարգում սերվիս-դեպք գրանցելու հնարավորությամբ և առավելագույնը 4-ժամյա հետադարձ կապով: Վնասված կրիչները փոխարինումից հետո չեն վերադարձվելու մատակարարին կամ արտադրողին, ինչը պետք է արձանագրված լինի արտադրողի կողմից ներառվող գործարանային երաշխիքի նկարագրությունում:

Կնքված պայմանագրի Հավելված 1-ի համաձայն՝ մատակարարվելու է HPE, Hewlett Packard Enterprise ապրանքանիշի սերվերային համալրումներ:

Տվյալ մրցույթի շրջանակներում նախատեսված է մատակարարել կոմպոզիտիվ սերվերներ և տվյալների պահոցներ:

Ստորև ներկայացված են դրանց բաղադրիչների պայմանագրային և շուկայական արժեքների համեմատականը:

ՀՀ դրամ						
h/h	Անվանում	Քանակ	Քաշ (կգ)	Նախահաշվային գին	Պայմանագրային գին	Շուկայական գին*
1	Hpe Synergy 480 gen 10	8	120			44,694,000
2	Տրանսպորտային և այլ ծախսեր	1				2,000,000
	Ընդամենը Չափաբաժին 1		120	112,000,000	110,400,000	46,694,000
3	HPE Primera 600 4 Way	2	60			3,403,000
4	HPE 1.92TB SAS 12G	96	67			121,652,000
5	Այլ (մալուխներ, փոխարկիչներ)	1				10,000,000
6	Տրանսպորտային և այլ ծախսեր	1				3,000,000
	Ընդամենը Չափաբաժին 2		127	1,200,000,000	1,199,760,000	138,055,000
	ԸՆԴՀԱՆՈՒՐ		247	1,312,000,000	1,310,160,000	184,749,000

*Ապրանքների գները վերցված են տեղեկատվական բաց հարթակներում առկա աղբյուրներից, որոնք բազմաթիվ են: Դրանք համադրվել են նաև ՀՀ ներմուծված ապրանքների հայտարարագրերի հետ: Ստորև ներկայացվում է դրանցից մի քանիսը:

Կայքերի հղումներ

<https://www.shi.com/product/34124011/HPE-Synergy-480-Gen10-Performance-Compute-Module>

<https://www.shi.com/Product/38177759/HPE-Primera-600-4-way-Storage-Base>

<https://buy.hpe.com/us/en/options/drives-storage/solid-state-drives/storage-solid-state-drives/hpe-msa-solid-state-drives/hpe-msa-1-92tb-sas-12g-read-intensive-sff-2-5in-m2-3yr-wty-ssd/p/R0Q47A>

The image displays two screenshots of the SHI (System Hardware Inc.) website. The top screenshot shows the product page for the HPE Synergy 480 Gen10 Performance Compute Module. The page includes a product image, a price of \$11,699.00 (MSRP), and a 'Login for Price' button. The 'Quick Details' section lists: Server, blade, 2-way, 2 x Xeon Gold 6130 / 2.1 GHz, and RAM 64 GB. The bottom screenshot shows the product page for the HPE Primera 600 4-way Storage Base. The page includes a product image, a price of \$3,137.00 (MSRP), and a 'Verify Stock' button. The 'Quick Details' section lists: Storage enclosure, rack mountable, and 4U. Both screenshots show the SHI logo, navigation menu, and a search bar.

buyhpe.com/us/en/options/drives-storage/solid-state-drives/storage-solid-state-drives/hpe-msa-solid-state-drives/hpe-msa-1-92tb-sas-12g-read-intensive-sff-2-5in-m2-3yr-wty-ssd/p/ROQ47A

Hewlett Packard Enterprise

HPE GreenLake Products Support Contact

SHOP Home Servers and Systems Storage Networking Software Options Services SMB Solutions Promotions

Back to Shop / Options / Drives and Storage / Solid State Drives / HPE MSA Solid State Drives / HPE MSA 1.92TB SAS 12G Read Intensive SFF (2.5in) M2 3yr Wty SSD

HPE MSA 1.92TB SAS 12G Read Intensive SFF (2.5in) M2 3yr Wty SSD

HPE MSA 1.92TB SAS 12G read intensive small form factor solid state drive, 2.5-inches and 3 year warranty

SKU # ROQ47A

Fulfilled by TigerDirect Available

\$2,639.99

As low as \$70/mo with HPEFS

Add to cart

Additional Resources Services

MORE INFORMATION

Specifications Additional Resources Services

12:56 10/05/22

Ապրանքների ընդհանուր քաշը չի գերազանցում 300 կգ-ը՝ չհաշված մալուխների քաշը:

Վերոնշյալ ապրանքների մասով ԵՏՄ միասնական մաքսային սակագնի վերաբերյալ օրենսդրության համաձայն ՀՀ ներմուծման մաքսատուրքի դրույքաչափը 0-է, հաշվարկվում է միայն ԱԱՀ, սակայն ԱԱՀ հարկման դաշտում աշխատող կազմակերպությունների մասով ԱԱՀ-ի դրույքաչափը ևս 0-է:

Հաշվեքննության արդյունքում պարզվեց, որ 184.7 մլն դրամ շուկայական արժեք ունեցող ապրանքների ձեռքբերման համար նախահաշվային գին է հաշվարկվել՝ 1,312.0 մլն դրամ և արդյունքում կնքվել է 1,310.2 մլն դրամ արժեքով մատակարարման պայմանագիր:

Հաշվեքննության ընթացքում հաշվեքննողների կողմից 22.03.2022թ. ՀՊԵ-ՎԱ-73 գրությամբ, «Հաշվեքննիչ պալատի մասին» ՀՀ օրենքի 36-րդ հոդվածի 1-ին մասի 2-րդ կետի համաձայն՝ պահանջվել են պարզաբանումներ նախահաշվային գնի վերաբերյալ, որին ի պատասխան ՊԵԿ 30.03.2022թ. 6.1/21638-2022 գրությամբ տրվել է պարզաբանում, համաձայն որի ՊԵԿ կողմից ուսումնասիրվել է HPE 3PAR 8400 տվյալների պահոցների համար ձեռք բերված SSD կրիչների գնման հայտը, որով 1 SSD 920GB ծավալով կրիչը գնահատվել է մոտ 5 մլն դրամ: Հաշվի առնելով այն փաստը, որ նոր հայտում հարկավոր է գնել 920GB SSD դիսկի փոխարեն 1.92TB ծավալով SSD դիսկ, դրա շուկայական գինը գնահատվել է մոտ 10 մլն դրամ՝ դիսկի սպասարկումը ներառված:

Վերոգրյալի վերաբերյալ, կարող ենք արձանագրել, որ գնումն իրականացնելիս առաջ չի կատարվել շուկայական գների վերլուծություն, չի իրականացվել գնահարցում հայաստանյան կամ արտասահմանյան համապատասխան ընկերություններից, չի կատարվել ուսումնասիրություն բաց աղբյուրներում, այլ հիմք է ընդունվել միայն նախկինում կայացած մրցույթների արդյունքում հաստատված գները:

Պայմանագրով մատակարարման վերջնաժամկետ է սահմանված 16.04.2022թ-ը:

ՀՀ հաշվեքննիչ պալատը 2022 թ. ապրիլի 19-ի թիվ ՀՊԵ-ՎԱ-96 գրությամբ դիմել է ՊԵԿ գլխավոր քարտուղարին, խնդրանքով՝ տրամադրել տեղեկատվություն կնքված պայմանագրի շրջանակում իրականացված մատակարարումների վերաբերյալ: Նշված գրությանն ի պատասխան ՀՀ ՊԵԿ գլխավոր քարտուղարը 2022թ. ապրիլի 20-ի թիվ 1/6-7/27557-2022 գրությամբ նշել է, որ «ԹԻՄ ՍԻՍԹԵՄՍ» ՓԲ ընկերությունը պայմանագրով նախատեսված թվով 8 կոմպոզիտիվ սերվերների մատակարարումը իրականացրել է ս/թ մարտի 25-ին: Տրամադրվել են նաև մատակարարված ապրանքները հիմնավորող փաստաթղթերի լուսապատճենները, այն է՝ կողմերի միջև ստորագրված համապատասխան ակտը և հանձնման-ընդունման արձանագրությունը: Հարկային հաշվի համաձայն, մատակարարված սերվերների ընդամենը գումարը կազմել է 110,400.0 հազ. դրամ, ինչը համապատասխանում է վերոնշյալ պայմանագրի 1-ին չափաբաժնով սահմանվածին: Մատակարարված ապրանքները ձեռք են բերվել «Էլքոր Դիսթրիբյուշն» ՍՊԸ-ից՝ 87,927,648 ՀՀ դրամ արժեքով: Մատակարարումը նույնպես իրականացվել է նույն ընկերության կողմից, ինչը փաստվում է Ա2847862502 հաշիվ-ապրանքագրով:

Կատարվել է պայմանագրի 1-ին չափաբաժնի մասով «Էլքոր Դիսթրիբյուշն» ՍՊԸ կողմից կատարված ներմուծումների մաքսային տվյալների ուսումնասիրություն, համաձայն որի՝

ԱՄՆ դոլար

Անվանում և մոդել	Քանակ (հատ)	Բաղկացուցիչներ	Ապրանքների հայտարարագրի ամսաթիվ	Միավորի արժեք	Ընդամենը արժեք
Server HPE Synergy 480 Gen10 Configure-to-order Compute Module	1	6 անուն ապրանք (21 կոմպոնենտներ)	26/01/22	13,457	13,457
Server HPE Synergy 480 Gen10 Configure-to-order Compute Module	4	6 անուն ապրանք (60 կոմպոնենտներ) + 2 ծառայություն (8 հատ)	10/08/20	16,971	67,885

Server HPE Synergy 480 Gen10 Configure-to-order Compute Module	4	8 անուն ապրանք (76 կոմպոնենտներ) + 1 ծառայություն (4 հատ)	25/10/18	10,792	43,167
Server HPE Synergy 480 Gen10	6		29/03/18	10,884	65,303

Վերոնշյալ սերվերի մասով HP ընկերության մատակարարի լիցենզիաներ ունեն նաև մի շարք այլ հայաստանյան ընկերություններ, որոնց կողմից նույնպես տարբեր ժամանակաշրջաններում կատարվել են ներմուծումներ՝ գրեթե նույն գներով: Ստորև ներկայացված են մի քանի օրինակներ:

Անվանում	Ապրանքի անվանում	Քանակ (հատ)	Արժեք (ՀՀ դրամ)	Արտադրող երկիր	Ներմուծման ամսաթիվ
«Էլքոր Դիսթրիբյուշն» ՍՊԸ	Սերվեր HPE SYNERGY 480 GEN10	1	6,489,773	Չեխիա	26/01/22
«Յունիքոմփ» ՓԲԸ	Սերվեր HPE SYNERGY 480 GEN10	4	20,651,315	Մեծ Բրիտանիա	06/08/21
«Վարչապետի աշխատակազմ» ՊԿՀ	Սերվեր HPE SYNERGY 480 GEN10	10	51,296,663	Չեխիա	26/07/21

Ելնելով կատարված ուսումնասիրություններից, կարող ենք արձանագրել, որ «Server HPE Synergy 480 Gen10» սերվերները (չափաբաժին 1) «Էլքոր Դիսթրիբյուշն» ՍՊԸ կողմից ներմուծվել են միջինում շուրջ 12,500 ԱՄՆ դոլարով (շուրջ 6,000,000 ՀՀ դրամ՝ առանց ԱԱՀ), որը մատակարարվել է «Թիմ Սիսթեմս» ՓԲԸ-ին 9,159,130 ՀՀ դրամով (առանց ԱԱՀ):

Ապրանքների մատակարարման պայմանագրի 1-ին չափաբաժնով սահմանված ապրանքները «Էլքոր Դիսթրիբյուշն» ՍՊԸ-ն ներմուծել է շուրջ 6 մլն դրամով (1 հատը՝ առանց ԱԱՀ), դրանք 7.3 մլն (1 հատը՝ առանց ԱԱՀ) դրամով մատակարարել է «ԹԻՄ ՍԻՍԹԵՄՍ» ՓԲԸ-ին, որն էլ իր հերթին 11.5 մլն դրամով (1 հատը՝ առանց ԱԱՀ) մատակարարել է ՊԵԿ-ին: Արդյունքում, մատակարարման պայմանագրի միայն 1-ին չափաբաժնով՝ (92 մլն դրամ՝ առանց ԱԱՀ) ապահովվել է 44 մլն դրամի շահույթ (48%), մասնավորապես՝ «Էլքոր Դիսթրիբյուշն» ՍՊԸ-ն ապահովել է շուրջ 25 մլն դրամի, իսկ «ԹԻՄ ՍԻՍԹԵՄՍ» ՓԲԸ-ն՝ շուրջ 19 մլն դրամի շահույթ:

Թվով 2 տվյալների պահոցների մատակարարումը՝ 1,199,760.0 հազ. դրամ գումարով դեռևս չի իրականացվել, այլ կերպ՝ պայմանագրային պարտավորությունները 2022թ. ապրիլի 20-ի դրությամբ կատարվել են ընդամենը 8.4 %-ով: Համաձայն «ԹԻՄ

ՍԻՍԹԵՄՍ» ՓԲ ընկերության տնօրենի կողմից ՀՀ ՊԵԿ ներկայացված տեղեկատվության, պայմանագրով սահմանված ապրանքների անմիջական արտադրող Hewlett Packard Enterprise ընկերության մոտ առաջացած անկանխատեսելի բարդությունների պատճառով թվով 2 տվյալների պահոցների մատակարարումը պայմանագրով սահմանված ժամկետում դարձել է անհնարին: Որպես հիմնավորում նշվել է COVID-19 համաճարակը և ստեղծված միջազգային քաղաքական ու տնտեսական լարված վիճակը և խնդրել է մատակարարման վերջնաժամկետ սահմանել մինչև ս/թ հունիսի 25-ը:

Հաշվեքննության օբյեկտի արձագանքը

Հաշվեքննողն արձանագրել է, որ վերոգրյալ պայմանագրի շրջանակներում ձեռքբերվող սերվերային համակարգի գծով չի կատարվել շուկայական գների վերլուծություն, չի իրականացվել գնահարցում հայաստանյան կամ արտասահմանյան համապատասխան ընկերություններից, չի կատարվել ուսումնասիրություն բաց աղբյուրներում, այլ հիմք է ընդունվել միայն նախկինում կայացած մրցույթների արդյունքում հաստատված գները:

Հաշվեքննողի կողմից իրականացված շուկայի հետազոտությունները և տրված գնային գնահատականները հնարավոր չէ մեկնաբանել, քանի որ իրականացված վերլուծությունը ընդհանրապես համադրելի չէ մեր կողմից ձեռքբերվող գնման առարկայի հետ: Կատարված ոչ պրոֆեսիոնալ վերլուծությունները չեն կարող հիմք հանդիսանալ օբյեկտիվ գնահատականների ձևավորման և մասնագիտական քննարկումների իրականացման համար:

Բացի այդ, Հաշվեքննողի կողմից շուկայի հետազոտությունները և տրված ֆինանսական գնահատականները չունեն մասնագիտական որևէ հիմնավորում և նման հիմնավորում կարելի էր ներկայացնել միայն համապատասխան լիցենզավորված կազմակերպության կողմից կատարված փորձաքննության արդյունքների հիման վրա:

Գնահարցումների վերաբերյալ Հաշվեքննողի կողմից ներկայացված դիտողության հետ կապված, անհրաժեշտ ենք համարում նշել, որ պրակտիկայում գնահարցումների իրականացման դեպքում այն կազմակերպությունները, որոնց ուղարկվում է այդ գնահարցումը կարող են ստանալ մրցակցային առավելություն շնորհիվ նրա, որ նախօրոք կտեղեկացվեն գնման առարկայի բնութագրի մանրամասներին:

Միաժամանակ հայտնում ենք, որ Կոմիտեի Տեղեկատվական տեխնոլոգիաների վարչության կողմից Հաշվեքննողին 2022 թվականի մարտի 29-ին N /6.1/21638-2022

գրությամբ տրվել է մանրամասն հիմնավորումներ կատարված գնային գնահատականների վերաբերյալ:

Ինչ վերաբերում է պայմանագրով մատակարարման վերջնաժամկետ է սահմանված 16.04.2022թ. և 08.04.2022թ. դրությամբ մատակարարում չիրականացնելու հարցին, ապա հայտնում ենք ենք հետևյալը.

ա) «ԹԻՄ ՍԻՍԹԵՄՍ» ՓԲ ընկերության կողմից N ՀՀՊԵԿ-ԷԱԾ-ԱՊՁԲ-21/25-1 պայմանագրի տեխնիկական բնութագրի առաջին չափաբաժնով նախատեսված 8 հատ կոմպոզիտիվ սերվերները Կոմիտեին մատակարարվել են 2022 թվականի մարտի 25-ին, ինչի վերաբերյալ կազմվել և ստորագրվել են երկկողմանի ակտ ու արձանագրություն:

բ) Երկրորդ չափաբաժնով նախատեսված 2 հատ տվյալների պահոցների մատակարարման ուշացման վերաբերյալ «ԹԻՄ ՍԻՍԹԵՄՍ» ՓԲ ընկերության կողմից ս.թ. ապրիլի 14-ին ստացվել է համապատասխան գրություն՝ արտադրողի կողմից ներկայացված հիմնավորմամբ: Կոմիտեի կողմից «ԹԻՄ ՍԻՍԹԵՄՍ» ՓԲ ընկերությանը պատասխան գրությամբ տեղեկացվել է պայմանագրով նախատեսված ապրանքի մատակարարման ժամկետների խախտման դեպքում վաճառողից յուրաքանչյուր ուշացված աշխատանքային օրվա համար մատակարարման ենթակա, սակայն չմատակարարված ապրանքի գնի 0,05 (զրո ամբողջ հինգ հարյուրերորդական) տոկոսի չափով տույժի կիրառման մասին:

Անդրադառնալով Հաշվեքննողի կողմից սերվերային համակարգի գնումների իրականացման ընթացքում արձանագրված դիտողություններին հայտնում ենք, որ ՀՀՊԵԿ-ԷԱԾ-ԱՊՁԲ-21/25 ծածկագրով գնման ընթացակարգով նախատեսվել է ձեռք բերել կոմպոզիտիվ սերվերներ և տվյալների պահոցներ (ապրանք), որը նպաստելու է Կոմիտեի սերվերային համակարգի արդիականացմանը: Կոմպոզիտիվ սերվերները և տվյալների պահոցները համարվում են առանձին տեխնիկական բնութագրեր ունեցող ապրանքներ և «Գնումների մասին» ՀՀ օրենքի 25-րդ հոդվածի համաձայն մրցակցային գնման ձևերի կիրառման ժամանակ առանձին բնութագրեր ունեցող գնումները մեկ գնման գործընթացի շրջանակներում կարող են բաժանվել չափաբաժինների:

Ինչ վերաբերվում է այն նկատառմանը, որ տեխնիկական բնութագրում առանձին բնութագրեր ունեցող գնման առարկաները խմբավորվել են երկու չափաբաժնում, ապա հայտնում ենք, որ գնվել է 2 տեսակի ապրանք՝ կոմպոզիտիվ սերվեր և տվյալների պահոց: Բացի այդ, Ձեր դիրքորոշմամբ պարզ չէ, թե գնման ընթացակարգում տեղի են ունեցել գնման առարկաների խմբավորում, թե չափաբաժինների բաժանում:

Ազատ մրցակցության սահմանափակման վերաբերյալ ներկայացված դիրքորոշման հետ կապված նշեմ, որ ՀՀ պետական վերահսկողության ծառայության ներկայացուցիչը և ՀՀ բողոքներ քննող անձը ԳԲԲԱ-ԼՕ-2021/75 բողոքի շրջանակում հայտնել են, որ

հակամրցակցային պայմաններ ՀՀՊԵԿ-ԷԱՃ-ԱՊՁԲ-21/25 ծածկագրով մրցույթով նախատեսված չեն:

Հաշվեքննողների մեկնաբանությունը

ՊԵԿ կողմից ներկայացվածը՝ «Հաշվեքննողի կողմից իրականացված շուկայի հետազոտությունները և տրված գնային գնահատականները հնարավոր չէ մեկնաբանել, քանի որ իրականացված վերլուծությունը ընդհանրապես համադրելի չէ մեր կողմից ձեռքբերվող գնման առարկայի հետ», չի համապատասխանում իրականությանը, այն հիմնավորմամբ, որ հաշվեքննողների կողմից իրականացված շուկայի հետազոտությունները կատարվել են ելնելով բացառապես ՊԵԿ կողմից կազմված գնման առարկայի տեխնիկական բնութագրից: Հաշվեքննության ընթացքում լիցենզավորված կազմակերպության ներգրավման անհրաժեշտություն չի առաջացել, քանի որ գնման առարկային վերաբերող բոլոր չափորոշիչները և պահանջները հստակ սահմանված են տեխնիկական բնութագրում: Ի դեպ, ճիշտ և տեղին՝ կարիքին համարժեք տեխնիկական բնութագիր կազմելու և նախահաշվային գին սահմանելու պատասխանատվությունը հայտը նախագծած պատասխանատու ստորաբաժանմանն է՝ պատվիրատուին:

ՊԵԿ կողմից գնային վերլուծություն չիրականացնելու վերաբերյալ առարկություն չի ներկայացվել: Իսկ այն պնդումը, որ «պրակտիկայում գնհարցումների իրականացման դեպքում այն կազմակերպությունները, որոնց ուղարկվում է այդ գնհարցումը կարող են ստանալ մրցակցային առավելություն շնորհիվ նրա, որ նախօրոք կտեղեկացվեն գնման առարկայի բնութագրի մանրամասներին» անհասկանալի է և գնահարցումների մասով վերահաստատում ենք մեր տեսակետը, քանի որ դրա միջոցով ոչ միայն հնարավոր կլինեք պարզել գնման առարկայի իրական շուկայական արժեքը, այլև կնպաստեք գնման գործընթացի առավել մրցակցային պայմանների ապահովմանը, ինչը բխում է «Գնումների մասին» ՀՀ օրենքի 3-րդ հոդվածի 2-րդ մասի 1-ին կետով սահմանված՝ գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպման սկզբունքից:

Մատակարարման ժամկետների չպահպանման վերաբերյալ, ՊԵԿ կողմից առարկություններ չեն ներկայացվել, այլ տրվել են բացատրություններ:

Հաշվեքննողների կողմից ընկալելի չէ նաև ՊԵԿ այն դիրքորոշումը, որ մի կողմից.

1. ՊԵԿ-ը կարևորում է միջոցառման հրատապությունը՝ «գործող սերվերային համակարգերի բարոյական և ֆիզիկական մաշվածությամբ, ինչը բացասաբար է

- անդրադառնում ոչ միայն հարկերի հավաքագրման գործընթացին, այլ ընդհանրապես ՀՀ ներքին և արտաքին տնտեսական գործունեությանը»,
2. ֆինանսական միջոցների հատկացման համար կատարվում են համապատասխան փոփոխություններ պետական բյուջեում,
 3. ձեռնարկվում են գնման գործընթացի առավել արագ կազմակերպմանն ուղղված քայլեր՝ 100% կանխավճարի տրամադրում,
- մյուս կողմից, 2022թ. ապրիլի 25-ի դրությամբ ապրանքների մատակարարման պայմանագրի 92%-ը դեռևս կատարված չէ:

Պայմանագրի համաձայն, ժամկետանց մատակարարումների համար սահմանված է տույժ՝ օրական 0,05%-ի չափով (շուրջ 600.0 հազ.դրամ), որը ենթակա է գանձման:

Առաջարկություն հաշվեքննության օբյեկտին

«ԹԻՄ ՍԻՍԹԵՄՍ» ՓԲԸ-ի նկատմամբ կիրառել պայմանագրի 6.2 կետով սահմանված պատասխանատվության միջոցները՝ ապրանքների մատակարարման ժամկետների խախտման դեպքում չմատակարարված ապրանքի գնի՝ 1,199,760.0 հազ. դրամի նկատմամբ, յուրաքանչյուր ուշացված աշխատանքային օրվա դիմաց կիրառել 0.05%-ի չափով տույժ:

5.7. ՀՀՊԵԿ-ԳՀԾՁԲ-20/42 գնման ընթացակարգի վերաբերյալ

Շենքերում տեղակայված էլեկտրական սարքերի վերանորոգման և պահպանման ծառայությունների ձեռք բերման նպատակով ՊԵԿ-ի կողմից կազմակերպվել է գնանշման հարցման մրցույթային ընթացակարգ, որի արդյունքում անհատ ձեռնարկատեր Անուշ Պետրոսյան և ՊԵԿ-ի միջև 2020թ. նոյեմբերի 27-ին կնքվել է թիվ ՀՀ ՊԵԿ-ԳՀԾՁԲ-20/42 պայմանագիրը: Պայմանագրային առավելագույն արժեքը կամել է 15,000.0 հազ.դրամ:

Պայմանագրի շրջանակներում կատարողի կողմից ներկայացվել է թվով երեք պայմանագրի կամ դրա մի մասի կատարման արդյունքների հանձնման-ընդունման արձանագրություններ՝ 13,746.1 հազ.դրամ ընդհանուր արժեքով:

Հաշվեքննությամբ պարզվեց, որ պայմանագրի կամ դրա մի մասի կատարման արդյունքների հանձնման-ընդունման արձանագրությունների համար հիմք հանդիսացած՝ ԱՁ Անուշ Պետրոսյանի ներկայացուցչի և ՊԵԿ վարչատնտեսական ստորաբաժանման աշխատակցի կամ տվյալ սենյակի (որտեղ մատուցվել է տվյալ ծառայությունը) պատասխանատուի կողմից հաստատված կատարողական ակտերի ծավալների միջև առկա են անհամապատասխանություններ, որոնց վերահաշվարկված գումարը կազմում է 1,762.6 հազ.դրամ: Արդյունքում կատարողին ավելի է վճարվել 1,762.6 հազ.դրամ գումար:

հազ. դրամ

h/h	Հանձնման-ընդունման արձանագրությունների		Գումարը ըստ կատարողական ակտերի	Տարբերություն
	ամսաթիվ	գումար		
1	04.06.2021թ.	2,134.4	1,969.2	165.2
2	25.11.2021թ.	6,103.2	4,950.0	1,153.1
3	24.12.2021թ.	5,508.5	5,064.2	444.3
Ընդամենը՝		13,746.1	11,983.5	1,762.6

Կատարված վերահաշվարկներն ըստ կատարողական ակտերի.

Ենթա չափա բաժնի համարը	Ծառայության առավելագույն միավորի գինն	Ծառայության միավոր գինը /0,4633/	Արձանագրություն 01		Վերահաշվարկ 01		Արձանագրություն 02		Վերահաշվարկ 02		Արձանագրություն 03		Վերահաշվարկ 03	
			քանակը	գումար	քանակը	գումար	քանակը	գումար	քանակը	գումար	քանակը	գումար	քանակը	գումար
1	5,000	2,316	74	171,418	74	171,418	206	477,192	169	391,483	152	352,103	151	349,786
2	10,000	4,633	13	60,228	13	60,228	123	569,850	120	555,952	98	454,027	92	426,230
3	30,000	13,899	36	500,355	36	500,356	156	2,163,578	127	1,765,146	99	1,375,970	81	1,125,802
4	500	232		0		0	9	2,085	9	2,085	15	3,475	15	3,475
5	3,000	1,390	34	47,256	34	47,256	86	119,530	60	83,393	53	73,664	48	66,714
6	500	232	26	6,023	26	6,023	41	9,498	37	8,571	35	8,108	32	7,413
7	15,000	6,949	36	250,178	36.5	253,653	89	618,496	63	437,812	67	465,609	61.5	427,388
8	15,000	6,949	10	69,494	10	69,494	13	90,342	15	104,241	21	145,937	20	138,988
9	15,000	6,949	25	173,735	24	166,785	19	132,038	22	152,887	29	201,532	29	201,532
10	8,000	3,706	39	144,547	35	129,722	60	222,381	59	218,674	129	478,118	122	452,174
11	500	232	8	1,853	10	2,316	36	8,339	38	8,803	50	11,582	50	11,582
12	1,000	463	8	3,706	8	3,706	8	3,706	0	0	9	4,170	9	4,170
13	5,000	2,316	7	16,215	7	16,215	6	13,899	0	0	5	11,582	5	11,582
14	5,000	2,316	2	4,633	2	4,633	7	16,215	5	11,582	9	20,848	1	2,316
15	10,000	4,633		0		0	0	0	0	0	0	0	8	37,063
16	10,000	4,633	4	18,532	4	18,532	10	46,329	7	32,431	21	97,292	21	97,292
17	10,000	4,633	13	60,228	13	60,228	48	222,381	36	166,785	46	213,115	45	208,482
18	3,000	1,390		0		0	1	1,390	1	1,390	0	0	0	0
19	100,000	46,329		0		0	0	0	0	0	0	0	0	0
20	75,000	34,747		0		0	0	0	0	0	0	0	0	0
21	70,000	32,431	1	32,431	1	32,431	1	32,431	0	0	0	0	0	0

22	55,000	25,481		0		0	0	0	0	0	0	0	0	0
23	45,000	20,848		0	1	20,848	0	0	0	0	0	0	0	0
24	40,000	18,532		0		0	0	0	0	0	0	0	0	0
25	1,000	463	1	463		0	1	463	1	463	0	0	0	0
26	2,000	927		0		0	1	927	1	927	2	1,853	2	1,853
27	5,000	2,316		0		0	0	0	0	0	0	0	0	0
28	5,000	2,316		0		0	2	4,633	3	6,949	0	0	0	0
29	7,000	3,243	2	6,486	2	6,486	2	6,486	0	0	10	32,431	10	32,431
30	1,000	463		0		0	3	1,390	2	927	14	6,486	2	927
31	5,000	2,316		0		0	1	2,316	1	2,316	0	0	12	27,798
32	4,000	1,853		0		0	1	1,853	2	3,706	0	0	0	0
33	7,000	3,243		0		0	3	9,729	3	9,729	9	29,187	9	29,187
34	5,000	2,316	3	6,949	7	16,215	5	11,582	4	9,266	16	37,063	16	37,063
35	15,000	6,949	7	48,646	8	55,595	37	257,128	31	215,431	29	201,532	28	194,583
36	8,000	3,706	1	3,706	1	3,706	0	0	0	0	11	40,770	11	40,770
37	500	232		0		0	1	232	1	232	0	0	0	0
38	8,000	3,706		0		0	0	0	0	0	1	3,706	2	7,413
39	5,000	2,316		0		0	0	0	0	0	0	0	0	0
40	8,000	3,706		0		0	3	11,119	5	0	14	51,889	14	51,889
41	10,000	4,633		0	1	4,633	14	64,861	10	46,329	20	92,659	26	120,456
42	30,000	13,899	15	208,482	4	55,595	47	653,243	34	472,559	46	639,344	36	500,356
43	25,000	11,582	14	162,153	11	127,406	12	138,988	0	0	14	162,153	14	162,153
44	3,500	1,622	20	32,431	28	45,403	22	35,674	28	45,403	56	90,805	56	90,805
45	15,000	6,949	15	104,241	13	90,342	22	152,887	28	194,583	29	201,532	28	194,583
Ընդամենը	701,500	325,000	414	2,134,390	410	1,969,227	1,096	6,103,190	922	4,950,053	1,109	5,508,543	1,057	5,064,255
Տարբերություն						165,163				1,153,137				444,288

Հաշվեքննության օրյեկտի արձագանքը

Հաշվեքննողի կողմից արձանագրվել է, որ շենքերում տեղակայված էլեկտրական սարքերի վերանորոգման և պահպանման ծառայությունների գծով հանձնման-ընդունման արձանագրությունների և «Պայամանագրի արդյունքը պատվիրատուին հանձնելու փաստը ֆիքսելու վերաբերյալ» ակտերի միջև առկա են անհամապատասխանություններ, որի արդյունքում ծառայություն մատուցող կազմակերպությանը պետական բյուջեից ավել է վճարվել 555.0 հազար դրամ:

Այս կապակցությամբ հայտնում ենք, որ վերոգրյալ պայմանագրի շրջանակներում կազմված հանձնման-ընդունման արձանագրությունների և պայամանագրի արդյունքը պատվիրատուին հանձնելու փաստը ֆիքսելու վերաբերյալ ակտերի միջև անհամապատասխանություններ առկա չեն և պետական բյուջեից ավել վճարումներ (555.0 հազար դրամ) չեն իրականացվել:

Միաժամանակ հայտնում են, որ վերը նշված պայմանագրի հիմքում ընկած հաշվարկները իրականացվել են հիմք ընդունելով Հայաստանի Հանրապետության կառավարության 2017 թվականի մայիսի 4-ի «Գնումների գործընթացի կազմակերպման կարգը հաստատելու և Հայաստանի Հանրապետության կառավարության 2011 թվականի փետրվարի 10-ի N 168-Ն որոշումն ուժը կորցրած ճանաչելու մասին» N 526-Ն որոշման 1-ին կետի 1-ին ենթակետով հաստատված կարգի 32-րդ կետի 23-րդ ենթակետը և ՀՀ ՊԵԿ-ԳՀԾՁԲ-20/42 ծածկագրով կնքված պայմանագրի 4-րդ կետի 4.2 ենթակետը «ավտոմեքենաների, սարքերի և սարքավորումների վերանորոգման ծառայությունների գնման դեպքում, հրավերով սահմանվում է նաև ծառայության յուրաքանչյուր տեսակի մատուցման միավոր առավելագույն գինը, իսկ մասնակիցը գնային առաջարկը ներկայացնում է՝ հաշվի առնելով այդ առավելագույն գների հանրագումարը՝ նկատի ունենալով, որ կնքվող պայմանագրի շրջանակում մատուցվող ծառայությունների դիմաց վճարումներն իրականացվում են հետևյալ բանաձևով՝

ՎԳ=ՄԳ/ՆԳxԾxԲ, որտեղ՝

1) ՎԳ-ն պայմանագրով սահմանված առանձին տեսակի ծառայությունների մատուցման դիմաց վճարվող գումարն է.

2) ՄԳ-ն ընտրված մասնակցի առաջարկած հանրագումարային գինն է.

3) ՆԳ-ն ծառայության մատուցման համար սահմանված առավելագույն միավոր գների հանրագումարն է.

4) Ծ-ն մատուցված ծառայության առավելագույն միավորի գինն է.

5) Բ-ն մատուցված ծառայության քանակն է.»::

Հաշվեքննողների մեկնաբանությունը

Հաշվեքննության օբյեկտի կողմից ներկայացված առարկությունները հաշվի են առնվել սույն եզրակացությունում և կատարվել է վերահաշվարկ, որի արդյունքում անհամապատասխանության գումարը 555.0 հազ.դրամի փոխարեն կազմել է 1,762.6 հազ.դրամ: Հաշվարկները կատարված են ՊԵԿ-ի կողմից տրված տեղեկությունների հիման վրա: Հաշվեքննությամբ ՊԵԿ-ից ստացված տեղեկությունների ամբողջականության վերաբերյալ վերցվել է գրավոր հավաստումներ, առ այն, որ 1-ին, 2-րդ և 3-րդ արձանագրություններով ամփոփված ծառայությունների համար հիմք հանդիսացած պահանջագրերը և դրանց հիման վրա կատարված աշխատանքների կատարողական ակտերը ներկայացվել են հաշվեքննողներին:

Առաջարկություն հաշվեքննության օբյեկտին

Կատարված վերահաշվարկների հիման վրա անհատ ձեռնարկատեր Անուշ Պետրոսյանից հետ գանձել ավելի վճարված 1,762.6 հազ.դրամ գումարը:

6. ՀԱՇՎԵՔՆՆՈՒԹՅԱՄԲ ԱՐՁԱՆԱԳՐՎԱԾ ԱՅԼ ՓԱՍՏԵՐ

6.1. Փորձաքննությունների ծառայությունների միջոցառման վերաբերյալ

Փորձաքննությունների իրականացման միջոցառումով 2021թ. նախատեսվել է կատարել 273 փորձաքննություն՝ 10,847.3 հազ. դրամ գումարով, դրամարկղային և փաստացի ծախսը կազմել է 10,364.9 հազ. դրամ կամ կատարվել է 95.6 %-ով:

2021թ. 9 ամիսների ընթացքում փաստացի իրականացվել է 191 հատ փորձաքննություն՝ 3,487.5 հազ. դրամ արժեքով, ինչը կազմել է տարեկան փաստացի ցուցանիշի 33.6 %-ը՝ մինչդեռ միայն 4-րդ եռամսյակում փորձաքննությունների քանակը կազմել է 331 հատ, կազմելով 6,877.4 հազ. դրամ կամ ամբողջի 66.4 %: Նշենք, որ 9 ամիսների ծրագրային ցուցանիշը կազմում էր 7,376.2 հազ. դրամ, կատարողականը կազմել է 3,487.5 հազ. դրամ կամ նախատեսվածի ընդամենը 47.3 %:

ՀՀ կառավարության 2006 թվականի փետրվարի 2-ի՝ «Փորձաքննությունների կատարման ծառայության նախահաշվային արժեքի մասին» թիվ 79-Ն որոշմամբ սահմանվել են ինչպես փորձաքննության առանձին տեսակների նորմատիվային ժամանակաձախսը, այնպես էլ 1 ժամվա ծառայության արժեքը՝ ինչը բոլոր տեսակի փորձաքննությունների համար 465 դրամ է:

9 ամիսներին կատարված փորձաքննությունների ժամանակաձախսը ունի հետևյալ պատկերը.

- ապրանքագիտական փորձաքննություններ՝ $114 \text{ հատ} \times 30 \text{ ժամ} = 3420 \text{ ժամ}$,
- փաստաթղթաբանական փորձաքննություններ՝ $22 \text{ հատ} \times 60 \text{ ժամ} = 1320 \text{ ժամ}$,
- հետքաբանական փորձաքննություններ՝ $22 \text{ հատ} \times 45 \text{ ժամ} = 990 \text{ ժամ}$,
- նյութագիտական փորձաքննություններ՝ $32 \text{ հատ} \times 60 \text{ ժամ} = 1920 \text{ ժամ}$,
- համակարգչային – տեխնիկական՝ $1 \text{ հատ} \times 150 \text{ ժամ} = 150 \text{ ժամ}$:

Միայն 4-րդ եռամսյակում կատարված փորձաքննությունների ժամանակաձախսը ըստ տեսակների հետևյալն է.

- ապրանքագիտական փորձաքննություններ՝ $167 \text{ հատ} \times 30 \text{ ժամ} = 5010 \text{ ժամ}$,
- փաստաթղթաբանական փորձաքննություններ՝ $4 \text{ հատ} \times 60 \text{ ժամ} = 240 \text{ ժամ}$,
- հետքաբանական փորձաքննություններ՝ $4 \text{ հատ} \times 45 \text{ ժամ} = 180 \text{ ժամ}$,
- նյութագիտական փորձաքննություններ՝ $101 \text{ հատ} \times 60 \text{ ժամ} = 6060 \text{ ժամ}$,
- կենսաբանական փորձաքննություն՝ $54 \text{ հատ} \times 60 \text{ ժամ} = 3240 \text{ ժամ}$,
- ձգաբանական փորձաքննություն՝ $1 \text{ հատ} \times 60 \text{ ժամ} = 60 \text{ ժամ}$:

Այսպիսով, 2021թ. 9 ամիսների ընթացքում փորձաքննությունների իրականացման համար ծախսվել է ընդամենը 7800 ժամ՝ 3,487.5 հազ. դրամ արժեքով, իսկ միայն 4-րդ եռամսյակում այն կազմել է 14790 ժամ, որի դիմաց հատկացվել է 6,877.4 հազ. դրամ:

Փորձաքննություններն իրականացվել են «Հայաստանի Հանրապետության փորձագիտական կենտրոն» ՊՈԱԿ-ի կողմից՝ 2021թ. փետրվարի 11-ին ՊԵԿ-ի հետ

կնքված՝ «Պետական կարիքների համար փորձաքննությունների կատարման ծառայությունների մատուցման» թիվ 01 պայմանագրի հիմքով:

ՊՈԱԿ-ի շրջանառությունը 2021 թվականին կազմել է 326 մլն դրամ, որից ՊԵԿ-ի հետ կնքած պայմանագրով մատուցված ծառայությունների ծավալը՝ ընդամենը շրջանառության 3.3 %-ը:

6.2. Հարկային և մաքսային ծառայողների վերապատրաստում միջոցառման վերաբերյալ

ՊԵԿ-ի և ՊԵԿ ուսումնական կենտրոն ՊՈԱԿ-ի միջև 2021թ. հունվարի 11-ին կնքվել է պայմանագիր՝ 2021թ. տարեկան ուսումնական և վերապատրաստման ծրագիրն իրականացնելու նպատակով, որի արժեքը կազմել է 142,480.1 հազ. դրամ: Սույն պայմանագրի 2-րդ կետի համաձայն, ՊԵԿ-ն իրավասու է ցանկացած պահի ստուգել ՊՈԱԿ-ի կողմից իրականացվող միջոցառումների ընթացքը, որակը և սահմանված պահանջներին չհամապատասխանելու դեպքում չընդունել իրականացված միջոցառումները՝ իր հայեցողությամբ սահմանել թերությունների անհատույց վերացման ողջամիտ ժամկետ և ՊՈԱԿ-ից պահանջել պայմանագրով սահմանված տուգանք:

Պայմանագրի 3-րդ կետով սահմանվել է, որ ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով ՊԵԿ-ի կամ նրա կողմից լիազորված անձի կողմից պետք է իրականացվի համապատասխան մոնիտորինգ: Պայմանագրի 3.3 ենթակետի համաձայն, մոնիտորինգի իրականացման ընթացքում բացահայտված թերացումների և բացթողումների շտկման նպատակով ՊՈԱԿ-ին պետք է տրվեին ցուցումներ և առաջարկություններ, իսկ 3.5 ենթակետով մոնիտորինգի իրականացման ընթացքում կարող էր պահանջել գրավոր և բանավոր պարզաբանումներ և բացատրություններ:

Հաշվեքննության շրջանակներում 16.11.2021թ. թիվ ՀՊԵ-ՎԱ-237 գրությամբ պահանջվել է տեղեկատվություն պայմանագրի 2-րդ և 3-րդ կետերով սահմանված աշխատանքների և իրականացված վերահսկողական գործառույթների՝ մոնիտորինգի արդյունքները հավաստող փաստաթղթերի պատճենները՝ ինչը ՊԵԿ-ի կողմից չի տրամադրվել: Ղեկավարվելով Հաշվեքննիչ պալատի մասին ՀՀ օրենքի 38-րդ հոդվածի 3-րդ մասի 2-րդ կետի, ինչպես նաև 36-րդ հոդվածի պահանջով, Հաշվեքննիչ պալատը 2021թ. դեկտեմբերի 2-ի թիվ ՀՊԵ-ՎԱ-244 գրությամբ դիմել է ՊԵԿ-ին, առաջարկելով բարձրացված հարցերին տալ ամբողջական և սպառիչ պատասխան: Նշենք, որ ի պատասխան 2021թ. դեկտեմբերի 2-ին հղած գրության, դեկտեմբերի 16-ին ստացված թիվ 1/17-2/80994-2021 պատասխան գրությամբ նշվել է, որ թիվ 10 պայմանագրով և այլ իրավական ակտերով հստակ սահմանված չէ, թե ինչ կարգով, եղանակով և ձևով պետք է իրականացվի մոնիտորինգը և ՊԵԿ-ի ստարաբաժանումների փոխգործակցության ներկայացված ընթացակարգն ընդունել որպես մոնիտորինգի արդյունքներ:

Պայմանագրով սահմանված՝ մոնիտորինգի իրականացումը պարտադիր կատարման ենթակա պահանջ է: Նշենք, որ մոնիտորինգը ծրագրերի և դրանց կյանքի կոչման իրավիճակային, ընթացիկ և շարունակական ուսումնասիրությունն ու արդյունքների արձանագրման գործընթացն է: Մոնիտորինգն իրականացվում է ծրագրի

նախապես պլանավորված և փաստացի արձանագրված նպատակների, արդյունքների, գործողությունների և հատկացված միջոցների համադրման միջոցով: Մոնիտորինգի գործառույթը նպատակ ունի հնարավորինս արագ բացահայտել փաստացի և հնարավոր թերացումները (բացթողումները), ինչպես նաև խթանել դրանց շտկումն ու հաղթահարումը: Մոնիտորինգի իրականացումը ընթացիկ կառավարման արդյունավետ գործիք է:

Առկա է անհամապատասխանություն պայմանագրի 3-րդ կետի պահանջների կատարման՝ մոնիտորինգի իրականացման հետ:

Հաշվեքննության օբյեկտի արձագանքը

Կոմիտեի և «Ոսումնական կենտրոն» ՊՈԱԿ-ի միջև 2021թ. հունվարի 11-ին կնքված «Պետության կողմից դրամաշնորհի ձևով տրամադրվող ֆինանսական աջակցության գումարների օգտագործման մասին» N 10 պայմանագրով և այլ իրավական ակտերով հստակ սահմանված չէ թե ինչ կարգով, եղանակով և ձևով պետք է իրականացվի մոնիտորինգը: Բացի այդ, առկա չէ նաև ՀՀ օրենսդրությամբ սահմանված համապատասխան մոնիտորինգի մեթոդաբանություն, հետևաբար Հաշվեքննողին վերոգրյալի հետ կապված 2021 թվականի դեկտեմբերի 16-ի N 1/17-2/80994-2021 գրությամբ ներկայացված տեղեկատվությունը առաջարկում ենք ընդունել որպես մոնիտորինգի արդյունքներ:

Հաշվեքննողների մեկնաբանությունը

Հաշվեքննության օբյեկտի կողմից ներկայացված դիրքորոշումը միանշանակ ընդունելի չէ:

Առաջարկություն հաշվեքննության օբյեկտին

Հարկային և մաքսային ծառայողների վերապատրաստում միջոցառման շրջանակում կնքվող պայմանագրի կատարման ընթացիկ և վերջնական արդյունքների համապատասխանության գնահատման նպատակով մշակել համապատասխան չափորոշիչներ և մոնիտորինգի իրականացման ընթացակարգ:

7. ԱՌԱՋԱՐԿՈՒԹՅՈՒՆՆԵՐ

1. Կատարել վերահաշվարկ չհաշվարկված և չվճարված աշխատավարձի հավելումների մասով՝ պահպանելով ՀՀ գործող օրենսդրության պահանջները և ապահովել անընդմեջ հերթապահության ռեժիմով աշխատող աշխատակիցներին օրենքով գիշերային աշխատանքի համար հասանելիք հավելումների տրամադրումը:
2. ՊԵԿ-ում ներդրված էլեկտրոնային համակարգերի և համալրող միջոցների («Հարկատու 3» համակարգի և նրա ենթահամակարգերի) սպասարկման ծառայությունների ձեռք բերման պայմանագրի շրջանակներում մատուցված ծառայությունների մասով կատարել վերահաշվարկ՝ հիմք ընդունելով պայմանագրով սահմանված ժամանակի գործոնը:
3. Դիտարկել «Կոնսել» ՍՊԸ-ի ստացած եկամուտների հայտարարագրման և հարկային պարտավորությունների կատարման իսկությունը, ինչպես նաև «Հարկային օրենսգրքով» սահմանված հարկային պարտավորությունների կատարման համապատասխանությունը:
4. 2021 թվականի դեկտեմբերի 13-ին կնքված ՊԵԿ-ԲՄԱՇՁԲ-2021/1 պայմանագրի շրջանակներում դիտարկել հարկային օրենսգրքով սահմանված՝ առանց լիցենզիայի գործունեություն իրականացնելու համար սահմանված պատասխանատվության միջոցների կիրառությունը «Արեմպա Ինթերնեյշնլ» ՍՊԸ ՖԶԸ-ի նկատմամբ:
5. Հարկային և մաքսային ծառայողների վերապատրաստում միջոցառման շրջանակում կնքվող պայմանագրի կատարման ընթացիկ և վերջնական արդյունքների համապատասխանության գնահատման նպատակով մշակել համապատասխան չափորոշիչներ և մոնիտորինգի իրականացման ընթացակարգ:
6. ՊԵԿ կարիքների համար կոմպոզիտիվ սերվերների և տվյալների պահոցների ձեռքբերման նպատակով 2021 թվականի հոկտեմբերի 22-ին կնքված թիվ ՀՀՊԵԿ-ԷԱՃ-ԱՊՁԲ-21/25 պայմանագրի շրջանակներում «ԹԻՄ ՍԻՍԹԵՄՍ» ՓԲԸ-ի նկատմամբ կիրառել պայմանագրի 6.2 կետով սահմանված պատասխանատվության միջոցը, որով մատակարարման յուրաքանչյուր ուշացված աշխատանքային օրվա համար հաշվարկվում է 0.05%-ի չափով տույժ:
7. Շենքերում տեղակայված էլեկտրական սարքերի վերանորոգման և պահպանման ծառայությունների ձեռք բերման նպատակով անհատ ձեռնարկատիրոջ հետ 2020թ. նոյեմբերի 27-ին կնքված թիվ ՀՀ ՊԵԿ-ԳՀՇՁԲ-20/42 պայմանագրի շրջանակներում մատուցված ծառայությունների մասով կատարված վերահաշվարկների հիման վրա վերջինից գանձել ավելի վճարված 1,762.6 հազ.դրամ գումարը:

ՀՀ հաշվեքննիչ պալատի անդամ՝



Ա.ԳԵՎՈՐԳՅԱՆ

05.05.2022թ.